

ARAN & TITUS.  
M U T U A  
VINDICATIO,

I N T E R P R E T E  
SCHOLA THIELANA.

*Luditur ad diem . Februarii, Anno 1658.*



T H I L A E,

Apud Gosuinum à Duyn, Bibliopol.

Anno clō lō c LVI II.

1841-1842 30/12/23

## SENATUI THILANO.

**G**randis Declamantium Oratio est; Heroica Poëtarum vox delectat omnes, qui perspicere atque intelligere res præclarissimas possunt; inter Poëtas omnes excellere videntur Tragici: non enim jam loquor de facetiâ atque urbanâ Comicarum locutione, quâ, nescio quo vitio, ita placere his temporibus coepit, ut reperiantur, qui in Orarionibus etiam ab ea non abstinant. Quotidiani sermones liberiores esse possunt, & inculti, grandis est Orator; mascula Poëtarum dictio est. Tragœdia majestatem aliquam continet, quam alibi frustra queras. In Orationum & versuum compositionibus quotidianâ Discipulorum exercitatio est; Tragœdias conficere, nec agere semper possunt: quare gaudent & exultant oblatâ nunc hac occasione; quam à vestrà benevolentia & benignitate accipiunt libenter, & rogant simul atque obtestantur, ut, quia solvendo non sunt, suâ aliquâ diligentia humanitatem vestram remunerare possint. Tragœdiam offerunt Discipulorum Optimi, quam interpretando fecerunt suam: quicquid enim à melimatum est, etsi meum videri possit, tamen cedo de possessione meâ, & ne alieni in patrimonium irrumpant, aut excludantur justo titulo Domini, Supremus Discipulorum meorum ordo Senatui Thielano *Mutua* hanc *Vindicationem* officiosissime

D. D.

*Testor*

J. van AELHUISEN,

*Rektor.*

Prologus.

*Saturninus* Cæsar

*Marcus Andronicus* Frater

*Titi And.*

*Titus Andronicus* Dux exerci-  
tus Rojn.

*Lucius Filius Titi* natu maxi-  
mus.

*Polander.*

*Melanns.*

*Claudillus.*

*Gradamard.*

*Ascanius.* Filiolus *Lucii.*

*Roxelina* Filia *Titi Andron.*

*Bastianus* Frater Cæsaris.

*Thamera* Gothiæ Regina.

*Quiro.*

*Demetrius.*

} Filii *Titi*

} *Andron.*

} Filii *Tha-*

} *meræ.*

*Aran.* Æthiops Dux exerci-  
tus Gothi.

*Aruspex.*

*Quintus* Famulus *Aran.*

*Tacitus* Nuntius.

} Romanorum.

} *Aruspicum.*

*Chorus* } Gothorum.

} *Ecemina-*

*rum.*

*Mutæ Personæ.*

*Senatus.*

*Indices.*

*Quatuor* Tribuni militum.

*Philippus.*

*Camillus.*

PRO-

# P R O L O G U S.

*Poëta, vestris qui laborat commodis,  
 Et nos gubernat, cum sua turbâ echola,  
 Meo salutat, quotquot estis, nomine,  
 Matres, Virosque, Virginum mites choros,  
 Puerosque adultos. Cum triumpho cernimus  
 Coetum labores ore spectantem novos.  
 Aptant cothurnos, & Sophocleo sonant  
 Theatra versu. Roma non solito ciens  
 Clamore pompas, hoste prostrato tumet.  
 Adasta fumat Gothia, & Ausoniam Titus  
 Quassat securim. Victor in Latium redit;  
 Occurrit omnis populus, & latos videt  
 Latus triumphos. Victa formoso nitet  
 Regina vultu; sequitur audax Æthiops,  
 Sacer Gradiuo: vota sed frangunt preces  
 Et forma Thamera; liberantur, Cesare  
 Mandante, Capiti. Vinculus Aran Principum  
 Fastidit iras; nunc solutus omnium  
 Querit ruinas unus; interitum Tito  
 Clam, Machinator fraudis & scelerum, parat.  
 Venatur Aula. Bassianus occidit  
 Laqueo peremptus; zona ruptis frangitur  
 Lacerata vinclis; moestaque, & linguam, & manus  
 Truncata virgo est; ense confossi cadunt,  
 Par triste, Fratres; Fratibus Fratrum necem  
 Sceleratus Aran objicit: pretium mali  
 Eruitur aurum, falsa Caesar literas  
 Indicia reperit; judicat; Fratres luunt,  
 Quis dexteram amputat, sed incassum, suam.  
 Amor paternus; exultantem Lucium  
 Retinent Amici. Sperat afflicta Titus*

*Meliora Hyrci, repetit Auctores scelus:  
 Abreptus Aran igne funestum expuit,  
 Post mille scicera, spiritum, captus suo  
 Cum Fratre Qutro, cade voti vâ cadit,  
 Impletque Matrem totius, afflictam trahit  
 Roseina vitam, sed Pater ferro facit  
 Finem laborum & triumphat insolens,  
 Thamera occidente; vindicat Sponsa necem,  
 Moriturus ipse, Cæsar; ira Lucium  
 Rapiit furentem, sceptrâ mutato minus  
 Domino ingemiscunt; traditur fessis quies,  
 Mœstis voluptas, imperiî franum bonis.  
 Hac Belga doctis ludit audax veribus,  
 Mirante totâ Græcia & Latii scholâ.  
 Nos ( nam fatendum est ) Amstela sequimur decus  
 Interpretando. Si vacat ( certe vacat )  
 Date tolerandis tempus exiguum jocis:  
 Nos obligati, quicquid in nobis situm est,  
 Humanitati pollicemur omnium.*

A R A N

## ARAN &amp; TITUS.

## ACTUS PRIMUS.

*Saturninus, Marcus, Bassianus, Senatus.**Cives Romani.**Sat.*

O Felix triumphat Roma, fitque gentium  
 Superba victrix. Ecce, generosa Titus  
 Virtute victas hostium domat manus;  
 Latiumque patitur, bella qui crepuit, jugum.

*Cives.*

Dux vivat! & felix suis, & patriæ  
 Maneat superstes! *Sat.* Quanta vox attollitur!  
 Andronicus audit fortis, & toto Deus.  
 Narratur Orbe; tollit illum nubibus,  
 Infertque Cælo fama; nobis Scipio  
 Resurgit alter; crescit hostium metus.

*Titus Andronicus, Thamera, Quiro, De-*  
*metrius, Polander, Melanus, Claudillus, Gradamardus.*

*Tit.*

Dives triumphis Roma, virtutis domus,  
 Quæ Regio, quæ gens barbaro tuas solo  
 Laudes silebit? Urbs Quirini, prospero  
 Populos feroces fortis imperio premis,  
 Et cuncta superas, Romuli semper sacro  
 Stipata cœtu; summa votorum vides.  
 Aquilonis Arctoi plagas securiger  
 Pugnator intrat, & tui Martis furor,  
 Hanc dextram, & arma metuit, & qui frigidum  
 Septena Tanaim ora pendentem bibit;  
 Et qui renatum prorsus excipiens diem,  
 Tepidum rubenti Tigrim immiscet freto;  
 Et quæ vagos vicina prospiciens Scythas,  
 Ripam catervis ponticam viduis serit.

*Patriæ*

Iatru laborat dextra : fugientes sequor ,  
Quo nota Baccho Tinolus attollit iuga ;  
Quo dives Hebrus fertiles campos fecat ;  
Quo Xanthus ambit , nivibus Idæis tumens ,  
Accepta Cereri Cargara , & ferax solum.  
Hæc , hæc furentes dextra contudit Gothas ;  
Hanc Sarmatæ , Vocontii , & Volsci timent.  
Virtute nostrâ regna Boreali jacent  
Subiecta Cauro. Tempus est , longæ dare  
Mædum ruinæ ; & Principes Viros suæ  
Consulere patriæ ; parcere afflictis ; ferâ  
Cæde abstinere. Lata pax gentes alat ,  
Ensesque lateant ; alma nascatur quies ,  
Invictæ bello , gentium Domitor , Jovi  
Æquate summos sæpe per honorum gradus ,  
Te Roma fortem , & sera posteritas canet.

*Sat.* Bellator audax , Roma victricem Ducis  
Dextram osculatur ; efferunt læti tuos  
Cives triumphos , versibus laudes canunt ,  
Magnumque terræ nomen ignotæ audiunt.

*Tit.* Tu præpotentum clara pregenies Deûm ,  
Spes una nobis , patriæ fulcrum tuæ ,  
Timor Tyrannis , terror & crux hostibus ;  
Si longa Achivi bella Trojam transferunt  
Per maria mille navibus ; si transfugam  
Repetit maritam , & arma bis quinis movet  
Menelaus annis , quis laborem & prælia ,  
Quis maria timeat ? lustra quis fugiat duo ,  
Mercede tali ? *Sat.* Per laborem & prælia ,  
Pavet animus. Quid , Victor , afferes ? *Tit.* Quam vides ,  
Regina Gotthorum est. *Sat.* Quis ardentis tuos  
Videat ocellos , nec det Idalio manus  
Victas furori ? sentio , crescit malum ,  
Imosque in artus labitur præceps furor ,  
Et ardet intus ; qualis Æthnæo vapor  
Exundat antro. Solve formosâs manus.

*Tit.* En , hæc ruentis pulchra majestas soli est.

Regina,



*Sat.* Regina, mundi gloria, & magnum decus,  
 Tu grande semper audies miraculum.  
 Quod fecit, & fecisse gaudet omnium  
 Rerum Architectrix; castitate pulchrior  
 Fit forma, vultu castitas crescit tuo.  
 Si suave basium ore mellifluo dares,  
 Roseisque labris labra palpare mea,  
 Volens per ipsas sequerer abeuntem nives,  
 Oblitus Aulæ. Jure cunctos allicit  
 Venusta facies; invidet Cypri Dea  
 Tuis oculis; invidet Phœbi Soror  
 Tuis labellis. *Tham.* Comprime ardentem imperum.  
 Cito excitatus ignis extinguit cito  
 Suos furores. Floris instar est amor,  
 Quem Phœbus oriens vividum, sed mox videt  
 Fugiens jacentem. *Sat.* Sic tuus miles jacet,  
 Et capta servis. *Tham.* Fateor, oppressit Gothos  
 Romana virtus; sed magis nos obruit  
 Incensa populi scelere non uno mei  
 Cœlestis ira. Nos gravi semper jugo  
 Premet subactos Victor, ut pœnas Deo  
 Solvat merentes populus, & sceptrum nocens.  
 His mota fatis, mente patienti feram,  
 Quodcunque mandas. Fortis ærumnâ gravi  
 Mentem levabit animus, invictus malis.  
 Quo plura patitur, plura patienter feret  
 Animosa virtus. *Sat.* Talis, & talis fuit;  
 Sic flexit oculos, cui Venus quondam, viri  
 Commota precibus, spiritum & vitam dedit.  
 Simulata credis verba? dicentem proba:  
 Juvat Inferorum, fortis Alcidae modo,  
 Videre tristes, sed tuo jussu, domos,  
 Sine Sole regnum; sentiat rursus novum  
 Dominum profundi squallidus regni Canis.  
 Et pura nitidi spatia conspiciat poli.  
 Si Sol coruscum territus condit caput;  
 Negatque lucem, mox laboranti tuum

Succurret Orbi lumen. *Tham.* Utinam, quod putas,  
 Spetiosa jure dicar! at nunc, aspice,  
 Non corpus ornat forma, non fulgent genæ,  
 Nec famula nostras arte composuit comas.

*Sat.* Quod arte faciunt fœminæ, hoc tibi dedit  
 Natura; & iste, quo micat vultus, decor,  
 Innata forma est. Per Deos omnes tibi  
 Cœlumque juro, perque quas vibrat faces  
 Ferox Cupido, flamma me fervens coquit.

*Tham.* Adulationes audio nolens tuas,  
 Jurasque frustra: nam procorum mobiles  
 Vis inquieti corripit voces Noti,  
 Et ipse tanto Jupiter gaudet dolo.

*Sat.* Quo tendis anime? nemo me comitem tibi  
 Eripiet unquam, frustra maturas fugam;  
 Abire sine me non potes, mecum potes.  
 Sequi per ipsa saxa, per sylvas placet:  
 Ubi se Cupressus, & caput lætum exerens  
 Virente semper alligat trunco nemus,  
 Et opaca longas arbor extendit comas;  
 Dabitque sceptrum ramus, & sertum rosæ,  
 Cumulusque sedum. Non meum cinget latus  
 Assueta vulgi turba, sed teneræ Ducem  
 Oves sequentur; tunc, quod optamus, Viri  
 Miserta, precibus forte succumbes meis.

*Tham.* Vix eloquentis lingua vitari potest.

*Sat.* Quod igne premimur, vultus hoc facit tuus.

*Tham.* Detestor omnes, horreo, fugio, execror,  
 Quas Diva Cypriæ spargit in mundo faces.

*Sat.* Virago dura, Caucasus tibi fuit  
 Truculenta nutrix? ubera admovit sua  
 Hyrcana Tygris? cur toro viduo jaces?  
 Et dum juventæ flore primævo viges,  
 Temet coerces? & necans rectam indolem,  
 Servas pudorem, Venere desertâ, tuum?  
 Providit ille maximus mundi Parens,  
 Cum tam rapaces cerneret fati minas,

Ut damna semper sobole repararet nova.  
Tauri juventas diuigunt; amat suam  
Leo Leenam; Tygris in furias ruit  
Sociata Tygri; Vulturi Vultur placet,  
Venere incitantur, belluæ inmanes, Apri;  
Volando passer passerem sequitur suum;  
Arborque latis arborem ramis petit.  
Quid plura memorem? vicit invictos amor,  
Magnumque flammis torret indomitis Jovem;  
Et qui furentes semper Æthneis jugis  
Versat caminos, igne tam parvo calet;  
Facibusque tactus Rector æquoreus fuit,  
Nec ardor alto potuit extinguere freto.  
Mens intus ardet. Æstuamus, urimur.

*Tham.* Libido mentem concitat turpis tuam.

*Sat.* Invita facies, facere quod sponte abnuis;  
Te nostra cogent arma. Qui timide rogat,  
Docet negare. *Tham.* Turpe, & impium est Duci,  
Violare leges Venere non casta suas.  
Sed forte fausto prosperæ sortis statu,  
Nimium insolenter cuncta permittis tibi.  
Regi tuenda maxime est imperii salus.

*Sat.* Lex nulla sceptrum cogit, aut Regi imperat.

*Tham.* Quod non vetat lex, hoc vetat fieri pudor.  
Minimum decet libere, cui multum licet.

*Sat.* Male imperatur, cum regit vulgus Duces.

*Tham.* Evertit ensis cuncta; cum jacet pudor,  
Et cura legis. Semper excelsus suis  
Nocere Princeps Civibus nefas putat,  
Nec morte tristi quæritur Regum favor,  
Sed obsequendo. Justa lex patriam Duci,  
Ducemque patriæ vinculo pari alligat.  
Cave ne sceleribus regias macules manus:  
Sequitur nocentes ultor à tergo Deus.

*Tit.* Is te tuosque sequitur ad poenam Deus.  
Metuenda quondam Gothia, & fortis fuit;  
Nunc victa nobis tempore exiguo jacet.

- Tham.* Virtus meorum spiritus Gothis dedit  
 Nimum feroces. *Tir.* Qui struit dolos, parat  
 Sibi ipse pestem; repetit auctorem scelus.  
 Graviore lapsu decedit, quicquid nimis  
 Fortuna tollit; exitum talem tuæ  
 Fatentur urbes. Mole procumbit suâ,  
 Quodcunque magnum est. *Mar.* Mente cur torvâ abnuis?  
 Quam multa sint timenda, si perstas, vides;  
 Obstare magnis nemo securus potest.
- Tham.* Vastantur urbes. Labitur patriæ salus  
 Sub Rege pravo. *Sar.* Fluctuamus; urimur;  
 Rabidusque nostro proditur vultu furor.
- Tir.* Cruentus Aran sanguine effuso, sacras  
 Consperget aras, & Sacerdotes piâ  
 Devota Marti membra dissolvent manu;  
 Sic mens futura pandet, & motu Dei  
 Completa, tantis statuet in rebus modum.

### *Chorus Sacrificantium.*

**G**Radive pater, qui bella tuo  
 Numine torques, desine pulchrâ  
 Nunc mirari colla Diones:  
 Tibi captivum cædimus hostem;  
 Sanguine fuso nostras Aran-  
 Victus ad aras, hostia Cælo-  
 Mastata cadet.  
 Ille cruentas armare manus,  
 Et purpureâ potuit quondam  
 Tollere multos cæde Quirites;  
 Sed te justam vindice pœnam  
 Nunc, Andronico victore, dabit.

*Aran.* Tenete linguam, Aruspices, mendax genus,  
 Interpretari fata falso discitis,  
 Stygique destinatis innocens caput.  
 Vates cruenti! vestra quantâ patriæ  
 Mercede constant ora! sæpe Civium

Vestrâ cruentus nascitur culpâ furor ;  
 Metuuntque fasces ; terret afflictam metus ,  
 Fervente Mystâ , Curiam ; leges silent ,  
 Et sancta juris norma , si minus filet  
 Devota templo lingua : vobis scilicet  
 Fumant tot urbes , bella tot gentes gerunt ,  
 Et versa ab imo regna tot populos premunt.

*Tham.* Quis iste ? fallor ? an meus , nuper meus  
 Stat vinctus Aran ? ipse stat. Princeps Ducum ,  
 Bellique salve fulmen *Aran.* Et tu Gothiæ  
 Regina salve. *Sat.* Qualis , aut unde advenis ?

*Aran.* Me strictus armat mucro , te sceptrum decet ,  
 Me gens Gothorum fulmen , & murum vocat ;  
 Sum terror hosti , nomen afflicti meum  
 Metuunt Quirites. Fortis Aran , Romuli  
 Qui tot Nepotes Tartari misit Deo ,  
 Coram adstat. *Sat.* Illum Mulciber flammis edat.

*Aran.* Mavortis ara sorbeat fufum bovis  
 Melius cruorem ; pinguis occidat capra.

*Tham.* Invisite Princeps , & Quiritium decus ,  
 Quid vota poscunt ? fare quem pœnæ petant ?  
 Eat per artus ensis exactus meos ,  
 Et vivat Aran. Tu , Sacerdos , adjuva  
 Patrocinando. Loquere , placâ Cæsarem.

*Aran.* Indignus aras tangit , & vittâ caput  
 Candente vestit , quem suo fletu movet  
 Lachrymans Amicus , nec movet Patriæ salus.

*Tham.* Quis Colchus hoc , quis sedis incertæ Scythia  
 Committat ? aut quæ Caspium tangens mare  
 Gens juris experta ausa ? non diri Thraces ,  
 Nec trux Erynnis , ara nec Bufiridis  
 Asperfit isto sanguinem ferox modo.  
 Quæ Tygris , aut Leæna , quis puero tibi  
 Admovit ubera Lupus ? an te Caucasus ,  
 Et inhospitales Alpium quondam nives  
 Glaciesque peperit ? ecquid eloqueris ? tuum  
 Defende , Mysta , si quid est , quod est , nefas.

Miserere , Cæsar ; Martio miser foco  
Devotus Aran liberas cernat manus.

*Sat.* Parere Marti , sanguinem petit , decet.

*Tham.* Imbellis adsto ; scæminas lachrymę tegunt ,  
Mea tela fletus. Quis furor te concitat ?

*Sat.* Emissa verba non recurrunt. Permanet ,  
Quodcunque dictum est. Occidet Marti sacer.

*Arus.* Submitte collum. *Aran.* Cæde nostrā te abstine.

*Arus.* Homini execrandus vivit. ingratus Deo ,  
Devota per quem non cadit Cælo hostia.

*Tham.* Quis sic cruorem Maurus , aut ferus Scinis ,  
Aut quis Procustes sparlit atrox ? ferreus  
Dirulque prima tela fecit Artifex ;  
Crudelior , quæ sumpsit ad necem , manus !

*Quiro.* Conspergat aras Quiro , nostrum sorbeat  
Tellus cruorem. *Dem.* Fata placabit meus  
Irata sanguis. Hic vides Demetrium.

*Tham.* Me , me receptus sternat ensis ; vulneri  
Patemur ; intret ipsa ferrum viscera.

*Arus.* Id fata volunt ; dabitur Aran víctima.

*Aran.* Te , Machinator fraudis , & scelerum Artifex ,  
Te Parca poscit ; stella cui Cælo cadens ,  
Cui viscerum secreta , cui mundi fragor  
Dant signa fati ; qui nigri sedes Dei ,  
Acherontis undas fingis , & stygios lacus ,  
Canemque diras voce servantem fores.  
Dolos , & astus maleficę mentis parat  
Fallax Sacerdos , & metu falso domat  
Populi furores. Si timemus inferos ,  
Crudeliores Inferis sunt Augures.

Vates timentur ; hoste contempto , metum

Inferi Sacerdos. *Arus.* Sæva furiarum cohors

Vocem execratur ! *Sat.* Si tuo licet frui

Regina vultu , vivet ; & Mauro dabit

Tua forma vitam. *Tham.* Facile fallitur , Duci

Qui facile credit. *Sat.* Juro per sceptri metum.

*Tham.* Rex magne Regum , quem cupis , dabitur Amor.

*Sat.* Quid mœsta dudum pedibus accumbis meis?  
 Regina, surge. *Arm.* Sceptrum & Imperium cadet,  
 Simulier aras privat, & Marti datus  
 Eripitur Aran. *Sat.* Cypriæ placeo Deæ;  
 Cum Venere pariter colitur armorum Pater.

*Tit.* Roma obligata est. Murus hostium cadat.

*Sat.* Tœdas negabit, & sacri fœdus tori.

*Tit.* Tempus negantem vincet. *Sat.* Ardens vix potest,  
 Et rabida flecti flama. *Tit.* Si quæris potest.

Cæsar, cavendum est, ne tuo miseram pares  
 Populo ruinam. *Sat.* Quas prius laudas faces,  
 Jam lingua carpit. *Tit.* Redde victimam Deo.

*Tit.* Opima nostri colla cædantur gregis.

*Mar.* Melior cruore bestię dabitur cruor.

*Tit.* Generose Princeps, una militum salus,  
 Quo mens aberrat? concidet nomen tuum,  
 Favorque vulgi; concidet Regni status  
 Amore tali. Sceptra bellator geris,  
 Multasque mittis sub tuum gentes jugum,  
 Urbique & orbi bellicosus imperas,  
 Hostemque bello territas. Metuit tuos  
 Boreas lacertos; vidit Eurus dirui  
 Sua Regna præceps; clade subversus jacet  
 Protervus Auster, hostium ferax solum;  
 Fortemque eandem sensit Africus manum.  
 Tu victor audax conciti murmur freti,  
 Rabiem charybdis, & procellosum mare  
 Bis navigasti. Celsa dūcriptæ juga  
 Scandit Pyrenes, Gallicas pressit minas  
 Tua rara virtus. Sed cruentatos manu  
 Qui vicit hostes, victus & fractus jacet,  
 Vincente fœminā; Cupido strenuum  
 Exarmat audax militem; & parvo rapit  
 Labore, magnum dextra quod peperit decus.

*Aran.* Adeste vires, sceleris ultrices, meæ!

Quid mucro cessas? perge, noxiam mihi  
 Linguam rescinde. *Tit.* Juro per belli minas,

Pasſim per agros, nec ſuos meminit ſequi  
 Paſtor juventos, *Sat.* Surge, tela præpara,  
 Equeſtris ordo; vos viros neceſſitas,  
 Et grata noſtri poſcit imperii ſalus.

*Chorus Romanorum.*

**R**Oma, non miti generata Marte,  
 Inclyti fulcrum Latii, tuorum  
 Dives Heroum, ſtudiisſque longi  
 Aſpera belli;

Contine tandem rabioſa diri  
 Bella Mavortis: ſua templa Janus  
 Claudat, & vinctus furor, ore caſſas  
 Fulminet flammas. Data pax amorem  
 Reddit, & frangens lituos, tubasque,  
 (Arma Gradiui)

Arma Romano reparat Colono.  
 Dives infractis populus triumphis  
 Gaudeat viſtos numerare Gothos.

Si cantare juvat, vox melior decus,  
 Et magnas Thameræ delicias canat.  
 Cui mundi Dominus juſ dedit & necis  
 Et vitæ; Latii qui bene temperat  
 Fortunam Imperii Cæſar, amabili  
 Stat viſtus Thamerâ; vulnera dat puer  
 Laſcivus Veneris, ſaucius uritur,  
 Exſurgitque calor, quem Dea comprimit,  
 Non ingrata Prociſ prælia dirigens,  
 Sanatque innumeris vulnera baſiis.

Cæſar magne, Quiritium,  
 Et noſtri decus Imperi,  
 Cui tot barbaricas manus  
 Submittunt populi; tuas  
 Quid laudes Venus inquinat?  
 An fortes etiam viros  
 Terrent arma Cupidinis?



An victrix dominabitur  
 Fucato mulier sinu ?  
 O quanta est rabies amor !  
 Quam certo , puer aliger ,  
 Arcu spicula dirigit !  
 Reges magnanimi cadunt ,  
 Heroas furor oecupat.  
 Sic lentis Leo carpitur  
 Debellatus amoribus ,  
 Et se saucius exuit.

## ACTUS SECUNDUS.

*Quiro , Demetrius , Aran.*

*Quiro.* Nunc hostis adsta. *Dem.* Caucasus cedit prius ,  
 Quam fugere quisquam viderit Demetrium.

*Quiro.* Hoc ense concides. *Dem.* Cadam , si nunc cado ,  
 Roselina , tuus. *Quiro.* Erectior post Virginis  
 Exurgo nomen. *Aran.* Oro per pulchros sinus ,  
 Vestrumque amorem , grande Virginis decus ,  
 Frangat furores , ense compresso , suos  
 Audax juvenus. Mœsta quondam sorbuit  
 Horatiani Roma guttas sanguinis ;  
 Nunquam Gothorum Principes videat mori  
 Tam nigra dies. *Quiro.* Nunquam æquus est Rivalibus ,  
 Si quis procuratur ; *Aran.* Nescio qualis coquat  
 Amor furentes. Num jacent Titi manu  
 Stratæ tot Urbes ? Mortuus jacet Pater ?  
 Captique vitam trahitis ? exardet furor ,  
 Sæviturque Princeps læsus ; æternas agit  
 Magnanimus iras animus , & sævus dolor  
 Æterna bella , pace sublatâ , gerit.  
 Amore famam , & nobilis styrypem domus  
 Quid polluetis ? Forma si vultus placet ,  
 Explete amorem ; vindicate Patriam ;  
 Stuprum superbam polluat Titi domum.

*Qui-*

*Dem.* Quicumque peccat, scelere noscitur suo,  
Animumque cruciat triste criminis malum.

*Atan.* Non est timendum grande, quod prodest, nefas.  
Misce tumultus Civium: ut fas, & fides,  
Et jura pereant; odia, cædes, funera  
Arceffe, & imple scelere Romuleam domum;  
Libido castam gaudeat Vestam impiis  
Violare stupris; simul & infausta manus  
Hominum cruenta cæde, furiali modo  
Aspergat aras; nullus irarum detur  
Finis, sed animum cæcus instiget furor;  
Nec parce Patri, nec trucem revoca manum  
A cæde Fratris; Uxor irato cadat  
Prostrata ferro; filius vi, vel dolo;  
Aconita cuncti, qui tibi obsistunt, bibant;  
Det thura populus; templa claudantur Deo,  
Tibi stent aperta, & impius suum vocet.  
Te Mystra numen prosperum ac scelix scelus  
Virtus vocatur. Perge, faciendum est malum:  
Necessitas plus posse, quam pietas solet.

*Quiro.* Pavet animus; horret. *Atan.* Trudit ultorem in graves  
Mens alta casus; non satis magno tuum  
Ardet furore pectus; impleri juvet  
Majore monstro. Sæpe Dîs placet malum.  
Ignave Vindex! siccinè ex animo Patrum  
Monimenta ponis? Quæstibus vanis ages  
Inultus iras? Corruat Divûm domus,  
Pœnasque victrix Roma, quas debet, luat.  
Ubi animus errat? consilia sequi optimum est.

*Quiro.* Non est profectò rebus in malis via  
Capienda præceps. *Atan.* Dum nihil fidit, graves  
Curas revolvit animus, & repetit metus.  
Omnes Diana abduxit, haud memores doli:  
Nunc, nunc agendum est, magna nolentem ferè  
Consilia produnt, sæpe qui tempus fugit  
Bene collocatum, postea infelix gemit.

*Dem.* At si nefandum detegit Virgo stuprum?

- Aran.* Adversa populi fama Virginem jubet  
 Tacere honestam. *Dem.* Grande mihi malum tamen  
 Præfagit animus. *Aran.* Sic in Auctorem metus  
 Redibit iste : dum times hostem , tuo  
 Succumbis hosti. Cuncta sine metu aggredi  
 Juvenile decus est. *Quiro.* Mente nos cautâ rege :  
 Serum est cavendi tempus in mediis malis.
- Aran.* Segnem timores Principem lentî occupant.  
 Grave est inausa facere , fecisse est leve.  
 Per auspicatos Cæsaris multum licet  
 Sperare thalamos , fracta quæis stabunt Titi.  
 Frustrâ furentis odia. *Quiro.* Sed nobis faver.
- Aran.* Favisse credis , cum miser tetigi impias.  
 Desponsus aras ? Fronte fallaci levis  
 Blanditur Aula. Pectus infandum gerit .  
 Nocetque blandâ peste , qui gratis sua .  
 Vendit favores. Ergone vlcisci licet ?  
 Licet. Sed arte dira vis metum efficit :  
 Metus inde simulat : inde ab infidijs vacat  
 Mens cauta nunquam. Et prævidet quisquam dolos ?  
 Haud videat Argus. *Dem.* Quod jubet Titus, Patrum,  
 Templique vox est. *Aran.* Scilne fatidicos suis  
 Patres jacere viribus ? *Dem.* Facile tamen  
 Isto virorum genere certari haud puto.
- Aran.* Ne templa curent, quicquid aut mali , aut boni  
 Statuat tribunal; Fascibus vani Augures  
 Nunquam bene sociantur : aliâ Sanctitas,  
 Aliâ morari sede Majestas solet.  
 Reprimuntur omnes, pertinax quorum furor  
 Armat Ministros Ædis in cædem meam.  
 Humana ad aras exta non petit Deus,  
 Nec vult Thyestes vina mutato bibat  
 Cruenta Baccho. *Quiro.* Testor infernam Styga :  
 Testor tremenda, & dira Furiarum agmina,  
 Te timeo, & odi. Scelera nostro à pectore  
 Pietas, timorque avertit. Ista non probat  
 Consilia Quiro. *Dem.* Quid manum impellis meam?

Mea dextra semper facinus hoc tantum tibi  
Negat, & negabit. *Aran.* Fraude, & ingenio est opus.

*Quiro.* Gressus ad Aulam moveo. *Dem.* Me gratas juvat  
Sequi puellas. *Aran.* Comprimator subito metu.  
Adeste, adeste! mugit ex imo solum,  
Hiatque tellus, & stat ante oculos Parens;  
Non qualis ultro bella in Ausonios ferens,  
Thufcas petebat facibus accensis rates:  
Nec cæde vastâ qualis in Romam stetit;  
Non ille vultus flammæ intendens jubar.

*Quiro.* Dic qualis ergo est? *Aran.* Fessus, & fletu gravis,  
Cruentus, ater, squallidâ obtectus comâ.

*Quiro.* Quem ista res est? *Aran.* Cernitis Patris facem,  
Quassamque Pinum? *Quiro.* Pectus attonitum stupet;  
Atat quid hoc est? *Aran.* Hæret in vultu truci  
Imago spectri. *Dem.* Dic, quid est? locum indica.

*Aran.* Pergit, movetur. Fugio, me condant nemus.

*Dem.* Profare, tristis umbra quid jubeat Patris.

*Quiro.* Da jussa gnatis. *Dem.* Ecce Roselinam procul,  
Gressus superbos, Comite cum proco movet.

*Bassianus, Rozelina, Demetrius, Quiro.*

*Bass.* **Q**Uam fulminantes ore spumanti minas  
Aper evomebat! quam cito cursu fugæ  
Repetebat altum montis ex celsi jugum!

*Roz.* Etiam paventi premeret audaces metu  
Tam triste monstrum; siste jam gressus tuos,  
Ne misera fiat ipse Venator truci  
Rapina bruto. *Bass.* Casta te Venus jubet  
Timere vitæ non levi curâ meæ.

*Roz.* Non nosco Venerem, nec suo collum jugo  
Cupido pressit; castitas castæ placet,  
Et, qui redire, cum perit, nescit, pudor.  
Animum virilem masculis Deus dedit,  
Nobis timorem, Virgines semper timent.

*Bass.* Quid hoc? odoros audio Fratris canes,

Et irruentes incito cursu feras.

*Roz.* Repetamus atrum frondibus densis nemus.

- Dem.* En Balliano [ferre quis posset ?] suo  
 Se Virgo flecti patitur, & quidem pari  
 Amore flagrat. *Aran.* Iuro per manes tuos,  
 Tuamque mortem, concidet nostrâ Titus  
 Superatus hastâ. *Quiro.* Siste dementes minas,  
 Gradumque. *Aran.* Suasu nempe si facitis meo.
- Quiro.* Quid tristis affert umbra ? *Aran.* Vindictam petit.
- Quiro.* Sunt ista Patris verba ? *Aran.* Tandem squalidi  
 Emissus antro Tartari astant Senex.  
 Et moesta solvit ora, sed levi sono.  
 Tandem severus corde prorumpit dolor,  
 Et complet aures voce furiali meas;  
 Ut incitati dira tempestas maris  
 Attingit undis littus. Attonitos tremor  
 Percussit artus; crinis erectus stetit;  
 Terrorque pressit verba. Sic moesti Senis  
 Vox alta sonuit; si movet te servitus,  
 Et pressa patriæ Marte violento salus,  
 Nostrumque lethum, debitam mortem oppetat  
 Andronicus audax; filię cadat pudor;  
 Omnesque gnati spiritum inimicum expuant,  
 Telo perempti. Civitas quondam mea  
 Vidit nefandum regiæ cædis nefas,  
 Plagasque corpus ense violatum gerit.  
 Sic fatus, altâ nocte mutavit diem,  
 Repetens opacas Ditis invis domos.
- Quiro.* Nostrum ne Patrem cæde funestâ, Titi  
 Scelerata stravit turba? defuncti necem  
 Hæc vindicabit dextra; sentiot meas  
 Roselina vires; ipse sit præsens Procus.
- Aran.* Vindicta justa est; ante Sponsus occidet.
- Dem.* Dabit unda cervos, occulet pisces nemus  
 Si me vetabit quispiam ulcisci patrem  
 Adhuc inultum. *Aran.* Terei fiat nefas,  
 Pudore rapto, ne tutum tandem scelus

Puella memoret. *Quiro*. Facere quod sermo nequit,  
Hoc dextra faciet. *Aran*. Dissecari sed decet.

*Quiro*. Non facinus atrox, triste, violentum potest  
Prohibere cœptus anxio metu meos.

*Aran*. Tunc est probandum, cum tenet laudem, scelus.

*Saturninus, Thamera, Titus, Aran, Marcus,*

*Quiro, Demetrius.*

*Sat.* **Q**Uo dira fugit bellua? aut ubi latet  
Comitata natis Thamera? *Tham.* Cum suis tibi

Quam quæris astat. *Sat.* Clara Thymbræi Soror,  
Dictynna Virgo, si meis clemens voles

Favere votis, cuspide adversâ feram  
Nova sponsa sternet, imbuam victa tuum  
Altare prædâ. *Aran.* Cæsar, Ausoniæ potens  
Dominator Aulæ, quo sequor feram loco?

*Sat.* Petivit istam canibus attonitus viam.

*Tit.* Properate Nati, cumque famulata manu  
Huc ferte gressum; rumpe jam, Luci, moras,  
Cauteque teretes tende currenti plagas.

*Mar.* Vox Fratris aures occupat; venantium  
Concussa vasto Sylva completur sono.

*Sat.* Diripite vincla canibus, & nodo gravi  
Levate, Comites. *Bas.* Magne Dux hunc tu locum  
Aditusque serva fortis. *Lug.* Ad nos jam tuos  
Reflecte cursus, ista te vocat via.

*Sat.* Quæ causa tardat? quisque se pugne paret,  
Et lustret omnes nemoris umbrosi locos,

*Thamera, Aran.*

*Tham.* **Q**Uis, anime, tantus concitat mentem dolor?

*Aran.* **Q**UO Mœcha fallax! juro per stygium specus.

*Tham.* Det ira causam? *Aran.* O dire & impatiens dolor?  
Simulata pectus abditum, & vagum geris.

*Tham.* Te supplici oro voce dimidium mei!

Hæc.

*Atan.* Hæc blandientis verba regali tibi  
 Desponsus Aula Cæsar audiat tuus.  
 Qui te sub umbrâ, vix moræ patiens, manet.  
 Non me sefellit, quâ tamen fallis viros,  
 Adulterantis ista fraus. Veniet dies,  
 Et tempus illud, quo furens rapiet tuos  
 Libido mores, rapiet & Veneris sitis  
 Vesana mentem. Mulier alterius levis  
 Quæris cubile. Quis modum statuet Nothis?  
*Tham.* Amariora felle verba! quod nefas,  
 Quod execrandum terruit manum scelus?  
 Cecidit maritus, Conjugis ferro suæ,  
 Idque tibi: quo te certior quies premat,  
 Secura nostro membra versantem toro.  
 Lethæus omnem sustulit sensum liquor,  
 Quum colla pro te funeri darem tuo?  
 Ingratus, ipsa sentio, ingratus meos,  
 Aran, amores spernis, & frangis fidem.  
*Aran.* Ego, dum nigræ sublime Cupressi caput  
 Ambos obumbrat, ore basium peto;  
 At impudico dulce subridens sinu;  
 Torques rebelli, non memor mei, pede  
 Fugitiva tergus, atque complexum negas:  
 Hinc me relinquit animus, & nostri malum  
 Amoris omen spem mihi dubiam ciet:  
 Nam multa credulus amor autumat, licet  
 Vultu modesto cor tegat Mulier suum.  
 Sed pergis ultra, & pervicax retro ruens,  
 Occurris ipsa Cæsari; qualis Venus  
 Amica Marti basium figit volens.  
 Ardebat ira pectus, *Tham.* Hoc locus mihi.  
 Et tempus, aliquod si nefas feci, dedit.  
 Nullum furoris acta mens caperet modum,  
 Si noster ipsi cognitus foret favor.  
 Nam scis, amantes quanta suspicio trahat.  
 Nihil ergo dubites, vive, dimidium mei.  
 Testor Cupidinem! peremptus expuet

Mucrone vitam, & cæde funestâ cadet,  
Nostro priusquam porrigat thalamo semur.

*Aran.* Mortem minaris Cæsari? mortem volo;  
Sed inchoandum postulat nervos scelus.

*Tham.* Optata sequere. *Aran.* Haud dextero factum excidet  
Immane voto, ubi nulla consilia appetit  
Festinus Ultor. Prosper ac prudens agam,  
Quodcunque agendum est: rem locumque attendimus.

*Tham.* Quid obstat? hoc efficere vires prævalent.

*Aran.* Qui facinus ingens optat exequi, sibi  
Eligere tempus debet. *Tham.* Impediunt manus?

*Aran.* Vincit scelus animus, nihil timeo trucum  
Enses virorum; faciet astus, quod nequit  
Aperta virtus. Crimen in melius ruit,  
Incepta multo si volutentur die:

Nam cuncta tempus superat: accrescit, Poli  
Super astra surgens, arbor è virgâ brevi.

Interitus igitur, atque Romani Ducis  
Nex differatur: tempus instat aptius,  
Meliorque veniet hora. Procider Titus,  
Comitesque Patri filios mittam suo.

Titan priusquam condit Oceano rotas,  
Lætata miserum, Thamera, conspicias Titum:

*Tham.* Quid facere fudas? quid novi rabidus struis?

*Aran.* Ego ipse gnatos solus inflexi tuos;  
Rozelina zonam solvet; occidet Procus;  
Inveniet illo debitam in puteo necem.  
Par triste Fatrum. *Tham.* Fata sed quæ aliis struis?

*Aran.* Quiesce, Mea; scit rebus ingenium malis  
Succurrere, dubiumque quodlibet nefas  
Ornare tuto: cæde fraternâ gemet  
Maculata tellus: verba rumoris vagi  
Et sæva Fratrum bella per populum feret  
Abstrusa glebis gaza; nec inanis meâ  
Credetur arte, sparsa testis litera.

*Tham.* Quæ sit, profare, aut qualis. *Aran.* En; legi potest.  
De fraude quid moves? *Tham.* Timendum nil habet.



Sed Marte duro uterque robustus valet

Librare tela Frater : sis cautus , precor.

*Aran.* Præfagit usque mens malum ; melius tamen

Fortuna volvit : & minis , & fulmine

Fugamus hostem . Magna virtus est , palam

Audere quicquid : hoc viros vinctes modo.

Gemmas eos Indus inter fluctuum

Audax recessus quærit , & nullus labor

Tentare ponderosa divitis vadi

Metalla prohibet , nec timor frangit meos ,

Nec vis labores , nec domat mentem metus.

Frangi labore , & conteri , ignavum decet.

Tellus treiniscet Italia ; & æstivo plaga

Sub , æta Cancro , sceptrum adorabit meum ,

Sub nostra Tigis jura , & Euphrates fluat :

Poenas dabit , luetque refractarius

Commissa magno ; sed dabit tempus locum.

*Tham.* O dulce præsidium meum ! *Aran.* O decus meum !

*Bassianus. Rozelina. Thamera. Aran.*

*Bass.* Quid hoc , Amica ? Thamera devicto comes  
Stat blanda Mauro. *Ros.* Cerne , basis nigros  
Amplexa vultus cingit ob collum manus.

*Bass.* Quid nunc moraris , dextra ? quid cessas iners

Exigere poenas ? *Ros.* Siste crudeles minas ,  
Animosque minue. *Tham.* Cogit huc aliquis pedem ;

Cohibe parumper oscula , *Aran.* Amplexus tibi

Reddo supremos. *Tham.* Arduum petas nemus.

*Aran.* Mea vita , eundum est ; fugio. *Tham.* Cur pulso metu

Penetratis illos , Thamera queis gaudet , locos ?

*Bass.* Regina præceps , ausa quæ fuit genis

Hæerere Mauri. *Tham.* Verba comprimam volo ,

Ignave Princeps. *Bass.* Comprimat vocem Lupa ,

*Tham.* Compesce vocem moneo. *Bass.* Gaudeas tuo

Truculenta monstro , & fruiere complexu Viri.

*Ros.* O Thamera , coecos impetus animo geris ?

Semper

- Semper placebit Æthiops ? franget niger  
 Vultus pudorem ? vulnus amove , precor ,  
 Procul impudicum ; fugio monstrum & execor.
- Tham.* Si mihi potestas illa , si magnæ foret  
 Ea vis Dianæ , turpe persequerer scelus.
- Bass.* Decipere stupris Cæsarem facile est tibi ,  
 Aetæonemque fingis. *Tham.* Hinc alio pedem ,  
 Pusilla , transfer , candidis nitens comis ,  
 Decora semper veste , numquam moribus .  
 Tua vix jocofo , qui puellulas juvat ,  
 Deflexit ætas lusu , inepta adhuc Proco.
- Roz.* Furore tu citata , quo soles , gravi ,  
 Misera Mariti cede nuptijs novis  
 Rursus patebas. *Tham.* Læta quando cor  
 Fovisti Amantis corde placato faces ,  
 Dum fusa ramis sylva condebat nefas ?
- Roz.* Germana quoties ( scimus ) ardentes tui  
 [ Horribile dictu ! ) Fratris explesti imperus ?
- Tham.* Cum conjugalis jura dirumpens tori  
 Thalamumque Mater , Rustico dedit locum.
- Roz.* Quid scelera referam patris ? Arripuit suam  
 Furore Matrem , Venere tactus impiâ.
- Tham.* Genere scelesto es : corda direxit Patrum  
 Libido vitrix. *Roz.* Omnia hæc superat mala  
 Fœtus , repleto ventre quem prægnans dabas.
- Tham.* Primus parentum , Martii puer Dei ,  
 Fratris cruentas cæde violavit manus ,  
 Amore regni ductus : intulit ferox  
 Ortis Sabinâ stirpe virginibus stuprum.
- Bass.* Romule resurge ? Quæso , labenti pater  
 Succurre stirpi. *Tham.* Militum Quiræ decus ,  
 Succurre Matri , dextra me juvet tua.

*Quiro. Thamera. Rozelina. Demetrius. Bassianus.*

*Quiro.* Quid astra pulsas , Mater , & planctu feris ?  
*Tham.* Cadat ensê Bassianus ; aufer Virgini

Zonam & pudorem: lædimur. *Roz.* Quo se furor  
 Rapit iste *Dem.* Damno sentiet nequam, suo.  
*Tham.* Perge ira; stupro Virginem; ferro Procum  
 Vindicta lædat: saltus abscondit nefas.

*Klaudillus, Thamera, Gradamard. Aran.*

*Klau.* **Q**Ua rupe frendet Vrsus. *Tham.* In denso vagus  
 Nemore errat; isthinc labitur torvo gradu,  
 Minalque spirat, & tamen pulsus fugit.

*Grad.* Sic præda certa est. *Klaud.* Vicimus, nostris cadet  
 Superatus armis. *Grad.* Siste: saltum setiger  
 Auresque pulsat. *Tham.* Irrue, optatum vides  
 Nunquam, Aran; corpori gladium imprime.

*Aran.* Sic inuadere nostris rebus infestum genus.

*Tham.* Cum patre nati, totaque occidat domus.  
*Aran.* Occulta fraus est; indices retinet notas,  
 Manumque sylvæ fugio. *Klaud.* Serva me, pater,  
 Serva cadentem filium, serva tuos.

*Marcus, Gradamard. Saturninus, Lucius,  
 Titus, Klaudillus.*

*Mar.* **Q**uo sylva planctu mugit, & montes boant?  
*Grad.* Adeste, adeste: pereo. *Klaud.* Adeste, occidimur.

Adeste. *Sat.* Timidas clamor hic aures ferit,  
 Condente fago. *Tit.* Puteus occultat nefas.

*Sat.* Quod delitescit, experiri lampade  
 Facibusque, certum est. Lampadem & faces mei  
 Ferte huc ministri. *Luc.* Quisquis es, quem cernimus,  
 Immotus asta, aut voce nomen exprime.

*Mar.* Est imperantis cuncta Frater Principis.

*Luc.* Collo implicatam restis innectit viam  
 Vitæ & loquendi. *Tit.* Triste & horrendum scelus!  
 Nefasque duplex! fune & ense concidit.

*Sat.* Me, Bassiane, sceleris ultorem, & necis  
 Promitto vindicem. Ante Roma sorbeat

Meum cruorem , fracta labatur salus  
Populi, & Regentis , poena quam fugiat reos.

*Tit.* Pereant nocentes ; quisquis est malus, luat.

*Mar.* O sidus urbis, columen Ausonię domus.  
Quicumque fecit, numine oblito, nefas,  
Pejora videat. *Luc.* Improbos laqueo manus  
Tanti catenę sceleris ultrices gravent.

*Sat.* An conjugales mœror obscurat faces ?  
Cruore mistum nectar, & lachrymis cibus  
Ornabit epulas ? fulmen & telum Iovis,  
Ferentque nostras [ si volent Superi ] minas.

*Tit.* Adfer micantem, lumine accenso, facem,  
Ut quidquid imo lateat horrendum specu,  
Videre liceat. *Mar.* Video, quid sit nescio.

*Tit.* Agnosco binos sanguine exhausto viros, <sup>et</sup>  
Nisi fallit umbra. *Luc.* Si patris veniâ licet.  
Scandam sub antrum primus : obscuros gradus  
Natura fecit. Lumen addite. *Tit.* I, sequor.

*Sat.* Arx summa Mundi Roma, cui tot barbarę  
Gentes dedere spolia, quambis undecim  
Investit horis inclytum muri decus ;  
Iacet ista virtus ; templa, tot turres cadunt,  
Cadente Domino. Claude pullatas fores,  
Mœstum Tribunal ; parte non minimâ cares.

*Tit.* Horrore quatiore, concitat mentem tremor.  
Gradamarde quo ; Klaudille quo ; Gnati mei,  
Quo decidistis ? *Luc.* Forte Klaudilli caput,  
Ruptum, cerebro penitus expresso, jacet,  
Hiatque fractis forma Gradamardi, genis.

*Tit.* Tumet animus ira ! pectus immensum rapit  
Sine lege rabies, cordis horrendi furor.

*Mar.* Feras in altum membra ( quid cessas ) diem.

*Tit.* Expello lucem, saxei moles soli  
Ruat vel in me, dummodo hic vitam expuo.

*Mar.* Ascende Frater. *Tit.* Fata si vitam negant,  
Habeo supulchrum. *Luc.* Perge, non ulcisceris ?

*Sat.* O morte diuâ tristius mortis genus !

Immāne

- Tit.* Immane factum ! Magne Regnator Deum ,  
 Tam lentus audis scelera ? tam lentus vides ?  
 Miserere Genitor , tuque sidereum caput  
 Absconde Titan ; tu nefas tantum & scelus  
 Speculare ? lucem merge , & in tenebras fuga.  
 O sortem acerbam semper ! o lætum asperum ,  
 Quod quemque nimium , me tamen magis , premit !
- Sat.* Cælum invocate , & vindices Cælo Deos.
- Tit.* O lucis alme Rector , & mundi Arbiter ,  
 Te dimicante , turbinis vasti modo ,  
 Cecidit supremis lapsus Enceladus jugis ,  
 Et monstra terrę . Fulmen assolitum move.  
 Neque sit inultus criminis tanti furor.
- Mar.* Spectanda medio membra ponantur foro.  
 Videre ædemum frigidos Ducum toros ,  
 Et efferatam Principis nostri necem ,  
 Populum juvabit : concitę plebis cohors ,  
 Aut forte flebit , aut cruentatâ manu  
 Sequetur hostes . Faciet hic , faciet diesque ,  
 Quod nulla tellus taceat , & nullus Nepos.
- Tit.* Sparsas tabellas video . *Mar.* Cæsari adferas ,  
 Ut quicquid habeat charta , si placet , legat .
- Sat.* Patet omne facinus . *Tit.* Audiam Auctores mali.
- Sat.* Ad arma ! ad arma ! prodimur . *Tit.* Quis Proditor ?
- Sat.* Effusus cruor est , periit cum sanguine Frater  
 Cæsaris ; effossum , nam sic voluistis , in antrum  
 Germani cecidere ; latent bene præmia , cæco  
 Occultata loco , ne quando fama per Vrbes  
 Proferat obscura commissæ piacula culpa .  
 Saturnini omnis , jam jam lapsura , cadentique  
 Assimilis , tremuit Aula , nigrae devota paludi .  
 Nulla mora est , quos quisque adiit foeliciter ausus  
 Perficiet , mernusque dabit petulantia panas .  
 Quid hoc ? quis atrox filios armat furor ?  
 Quærat aurum . Quas nihilachrymas parat  
 Origo cuncti tristis invidiæ mali !
- Tit.* Hæc vera credis ? *Sat.* Vera credo , aut suspicor .

*Tit.* Cuncta indicabit tempus, & solvet Reos.

*Sat.* Sero indicabit, quæ patet, tempus necem.  
 Palam est: utrumque charta filium arguit,  
 Mihi mors, ruina, & exitus regno imminet,  
 Nisi providemus. Torqueat natos dolor,  
 Causamque discat Urbs, & Orbis criminum.

*Thamera, Saturninus, Aran, Titus, Marcus.*

*Lucius, Quintus,*

*Tham.* **O** Sponse, nostri dulce solamen mali,  
 Quam rupta squalent ora! quam vestes jacent!  
 Quam dissolutæ per genas fluunt comæ!

*Sat.* Quis, ede, tanti decoris everfor fuit?

*Tham.* Furias duorum corpus innocuum tulit,  
 Sed galea vultum, gladius armabat latus.

*Sat.* Eloquere tristem sceleris horrendi modum

*Tham.* Juvabat artus fonte crepitanti meos  
 Fovere, rabidam lymphæ relevabat sitim,  
 Captata manibus; arbor extendens caput  
 Defessa tepido membra recreabat Noto,  
 Dum purpuratum Solis excludit jubar,  
 Vix hic resedi, sæva cum rupit meos  
 Manus capillos; nec sat hoc hosti fuit,  
 Sed irruenteis misera toleravi pedes.  
 Superba Meretrix Regis, hoc gladio statim,  
 (Sic fatur) atrum noctis æternæ chaos,  
 Stygiique sædos Ditis aspicias lacus.  
 Qui casus illo possit æquarimalo?  
 Attollo vocem voce sublimi meam,  
 Mox incitato Maurus accelerat gradu,  
 Tristemque Thameram morte non dubiâ eripit,  
 Et ipse cursu validus abeuntes premit.

*Sat.* Adeste, Proceres, faller incautos dolus;

Aditus viarum cludite, atque omnes locos.

*Aran.* Supreme Rector, cujus imperio jacet

Subjectus Orbis, maxima impendent mala,

Nisi

Nisi concidentem cæde restituas domum,  
 Titique Latiam liberi tingant humum  
 Cruore sparso; noxa supplicium meret.

*Tit.* Quæ causa Natos poscit, aut pœnam parat?

*Aran.* Vix insequentis bellua effugerat manum,  
 En sylva fremitu sonuit, & dirus meas  
 Ululatus aures perculit; tendo gradus,  
 Quo me tumultus, clamor, & planctus vocat.  
 Offertur oculis Thamera, sed jacens, meis,  
 Tristisque luctu; debita ulcisci jubet  
 Vindicta pressam; territi attonito metu  
 Fugiant latrones, mox recedentes sequor  
 Mucrone stricto, dumque suspenso gradu  
 Ferox, in recessu penitus abstruso abdit  
 Testum corusco casside exonerant caput;  
 Agnosco fraudem, cumque Polandro ferox  
 Melanus astat. *Sat.* Prospera ac felix diu  
 Tibi vita maneat, cujus accessu, & minis  
 Regina diras hostium effugit manus.

*Aran.* Pignus tenemus sceleris, affirmat fidem  
 Acceptus ensis. *Sat.* Veritas expers doli  
 Incerta removet: talibus cinctus fuit  
 Polander armis, jam procul dubio parat  
 Audax ruinam patriæ Andronici genus.

*Tham.* Quæ cæsa video corpora? & terram rubro  
 Cruore tinctam? *Sat.* Crimine incusant Titi  
 Hæc scripta Gnatos. *Tham.* Fratribus miseri suis  
 Periere Fratres? & tuus simul Proculus,  
 Roselina, cecidit? *Sat.* Sceleris Authores volo,  
 Me, me jubente, cæde crudeli cadant.  
 Mora omnis absit, quisque se tradat viæ,  
 Repetatque sylvam, donec occultos mihi  
 Emissa referat turba. *Mar.* Paulisper tuo  
 Desiste cœpto, Cæsar, & tantum vigil,  
 Inquire facinus; veritas nunquam latet.

*Quint.* Quæ causa tardat? crimen hoc auro patet.

*Sat.* Quæ verba reddis? mente suspensa Titus

Adhuc tenetur ? *Tit.* Fixus , atque idem mihi ,  
 Ut ante , perstat animus : horresco nefas ,  
 Tantamque cædem. Iuro per Fratrem tuum ,  
 Cæsosque Natos , dextera Auctorum nece  
 Satiabit umbras , sceleris admissi tamen  
 Latet Architector. *Sat.* Crimen ignotum indicat  
 Derecta nubes , cumque Polandro suo  
 Melanus Auctor impiæ cædis fuit.

*Tit.* Quis ista scripsit. *Sat.* Qui pecuniæ lucro  
 Inductus ensem sanguine infonti imbuir.

*Tit.* Erras : doloso quispiam invidiæ malo ,  
 Partæque magno gloriæ periculo  
 Inimicus , istâ liberos pressit notâ.  
 Concedo falsum : scelera natorum tegunt  
 Magnifica belle facta. Non mentem erigit  
 Defensa patriæ Marte foelici salus,  
 Honorque : sed quis nomen illius potest  
 Tacere , cuius inclytas laudes videt  
 Utrumque Phœbi litus , & suo canit  
 Rumore fama ? Repete , si juvat , dies,  
 Lapsumque tempus , triste cum subiit nefas.  
 Et scelere in uno non semel fecit scelus  
 Romana tellus. Jura squallebant fori,  
 Totamque fusus Curiam implebat cruor,  
 Et nostra solitis templa caruerunt sacris,  
 Regnante furiâ. ( quodque memorari pudet )  
 Fratrem pavebat Frater , & natum Parens ,  
 Natusque Patrem , neve neglexit suos  
 Noverca mores. Latro nummorum fame  
 Stimulatus , acri cæde maculabat locos ;  
 Hic sœminarum planctus , hic strepitus virum,  
 Illic cruentâ morte semianimis jacet,  
 Frustraque multas tollit ad Superos preces.  
 Claudebat omnes ad forum vias homo  
 Cumulatus homini. Noxius prædæ furor  
 Populum incitabat. Stravit agnatos suo  
 Ingratus Hæres ense , & impatiens morę



Mucrone potitur, morte quod iusta statim  
 Nequit potiri, nec scelus propinquit  
 Tardare potuit. Tollit hic hostes suos;  
 Hic Creditorem perimit; hic regno imminens,  
 Vanos honores sequitur, & sceptrum petit,  
 Rectore dempto. Quicquid Eumenides tenent,  
 Aut execrandus sedis inferne canis,  
 Phlegetonque, quicquid Pontus, & Aer tulit  
 Terribile, dirum, pestilens, atrox, serum,  
 Lacerata vidit Roma. Non senium Senem  
 Protexit, omnis periit ætatis gradus.  
 Non fœminarum vota, non pueri preces,  
 Non sacra Vatis, non puellarum dolor,  
 Non fletus avidas hostium avertit minas.  
 Sed ipse sacros polluit sanguis Lares.  
 Hic dignitatem sperat, hic fasces cupit.  
 Nec deest tuum, Dux magne, qui sceptrum petat.  
 Quantum cruoris Roma tunc vidit sui,  
 Depressa cunctis! sed scelestorum manus  
 Rabiemque belli turbinis vasti modo,  
 Hæc dextra pressit, & regi impatiens furor  
 Abjecit omnes, sed meo jussu, minas.  
 Si comparare, magne Rex Regum, libet  
 Scelerata factis facta Natorum meis,  
 Cederet triumphis culpa, virtuti scelus.

*Sat.* Virtute virtus, scelere pensatur scelus.

*Tit.* Infesto nimios ira dat pœnæ modos.

*Sat.* Regem potestas, cum scelus punit, regit.

*Tit.* Acquirat odium, qui pios nimium premit,  
 Hostisque telo regna lacerari videt.

*Sat.* Imperiæ pandit Cæsar, & populum facit  
 Sibi obsequentem, jura si reprimunt malos.

*Tit.* Regno severos sæpe depellit Duces  
 Vindicta. Miseris Cæsar ignoscat Reis,  
 Tradatque veniam facile, cui veniâ est opus;  
 Sic clara, famę nomina æternę meret.

*Sat.* Pravos coercet poena, &, ejecto malo,

Regni vigentem jura confirmant statum.

*Tit.* Legis statuto displicet severitas.

Malefacta prohibet poena, si servat modum;  
Firmat sopitos ira, quos punit, malos.

*Sat.* Sed Rex nocenti debitam poenam irrogat,  
Et grande factum grande supplicium manet.

*Tit.* Compesce tantas, Cæsar, irarum minas.  
Pœnæ modus debetur, ubi poenam exigas.

*Sat.* Non dant salutem jura, si per hunc salus  
Eversa patriæ est: noxa vindictam petit.

*Tit.* Si vera res est, fateor, admissum scelus  
Scelus omne superat; actus est clementiæ  
Delere tantam sanguinis nostri luem.

*Sat.* Qui non vetat peccare, cum possit, jubet.  
Patriæ periculo animus erratis carens  
Abluere tanti criminis sordes negat.

*Tit.* Haud unquam Olympi Rector humanum genus,  
Tentare quid, quod exequi nequeat, jubet;  
Non patitur, omnis Author in pestem ruat,  
Nefasque inultum sæpe dimittit Deus.  
Id facere laus est, quod decet, non quod licet.  
Magnum potentibus decus clementia est:  
Hæc vincit atram noctem, & irrevocabiles  
Colos dororum. Ira est brevis semper furor.

*Sat.* Invisus, & male regnat, imperio suos  
Punire qui non novit. Obeant; aut Ducem  
Metuant necesse est. Hæret ambiguo salus:

*Tit.* Si mors petita est, non tamen factum est scelus.

*Sat.* Istam voluntas, quam nefas, poenam subit.

*Tit.* Meditare, Cæsar magne, consilium rege:  
Dubitatur etiam, nec satis constat nefas.

*Sat.* Quis hæret anceps? literas, aurum vides.

*Mar.* Vlyssis acer arte Palamedes jacet,  
Fallæque prodicionis occidit dolo.  
Adfunt Siones. Penitus inquiri decet,

*Sat.* Punire fontes, si volo, quis impedit?  
Quod in nocentes patriæ facit Pater.

*Sat.* Punire fontes, si volo, quis impedit?

*Tit.* Quirine, diva nata proles Iliâ,  
 Quo se reflexit estimatio tuæ  
 Ruitura gentis? conferat lapsum tibi  
 Junioris ævi fama miratrix decus.  
 Invisus Orbe splenduit toto Quiris,  
 Honore dives. Cum laborat rustico  
 Intentus operi Curius, & pro mœnibus  
 Sylvas relictis placida simplicitas colit;  
 Vis nulla, avaræ nullus est mentis furor;  
 Nec aura populi, aut vulgus infidum bonis,  
 Nec pestilens invidia, nec fragilis favor  
 Falsâ Senatus lege justitiam domat.  
 Superante prodigâ modum superbâ,  
 Armat Tyrannos facinus; Aucthores mali  
 Fovet Tribunal; Curiam tument Boni.

*Sat.* Maledicta nobis doctus infundit dolor;  
 Frenare possum verba, & audacem malo  
 Linguam domare. Non quiescit pectoris  
 Ira ante pœnam Sic volo, sic impéro.  
 Properate: In urbem mortuos currus vehat.

*Mar.* Imploro, Cæsar, supplici supplex prece;  
 Si quid vigoris pristini mansit tibi;  
 Per innocentem parce sanguinem, manus  
 Scelerare fortes, parce Ploranti, rogo.

*Tit.* O dira, Roma, sæva, truculenta, horrida,  
 Quæ stygia Erynnis improbam vibrat facem?  
 Flaccescit, interit, labat, marcet vigor  
 Melioris ævi, non timet sceptrum tuum  
 Peregrina tellus: implet armiger Scythia  
 Graves pharetras; Mars levi & Martis Soror  
 O nusta peltâ, frangit impios lares.  
 Religio cessat sacra; barbariem Deo  
 Dicat Sacerdos; vitta diffuso rubet  
 Cruore; Venere sana Bacchoque incalent.  
 Cadaver angustas olens operit vias,  
 Tibrisque lentus milivum clypeis fluit;

Thuscum per Urbes clade vulgata solum  
 Plorat fugacem Sortis incertę statum.  
 Astręa celsit Virgo ; pietas exulat ;  
 Immane regnat facinus ; hospiti suus  
 Imponit hospes ; territat generum focer ;  
 Parentis haurit gnatus , & gnati Pater  
 Vindex cruorem ; Conjugum discordia  
 Fędus pudici temerat auratum tori.  
 Nutrix venena miscet infanti suo ,  
 Et membra subministrat in levi foco  
 Detosta Matri ; candet iratus Tonans ,  
 Fulmenque dirę torquet in terram manu.  
 Dic Phębe (lustras cuncta) dic quis Artifex ,  
 Quis Machinator fraudis insonites petat ?

*Chorus Fęminarum.*

**T**Yrio pulcher splendore color ,  
 Et sidonio purpura cocco  
 Ornet amictus ; laxata sinus  
 Zona recludat , sed barbarico  
 Saturata croco.  
 Nitido comptos pectine crines ,  
 Positasque comas , manus Artificis  
 Mirrha , & pingui tingat amomo.  
 Toga regali fulgeat auro ,  
 Toga diversis succincta modis ;  
 Ornet collum , tenerasque manus  
 Adamantis honor.  
 Cingat teneros lapis articulos ,  
 Lapis eo lectus in unda ,  
 Lapis assyrii munera ponti.  
 Placidam pulchrę Veneris famam .  
 Auger amictus ; meliusque nitet  
 Cytherea novis gammata togis .  
 Illitos auro remove te cultus :  
 Flemus insonites . removete baccas ,

E 3

Unda

Unda quas nobis pelagi ministrat.  
 Plangor Arctoum faciat smaragdum;  
 Gutta det gemmas. Redeant dolores;  
 Dextra nudatos quatiat lacertos,  
 Cæsaris motos superemus æstus.  
 Uritur; fervet dolor; ira læsam  
 Concoquit mentem, rapiuntque flammæ.  
 Audiet clemens veniam precantes;  
 Audiet mœstæ pia vota Romæ.  
 Fregit incompertos Venus alma crines,  
 Cum cruentarum lachrymans, stupensque  
 Vidit Adonim.  
 Mœror, & luctus, lachrymæque nostrum  
 Protegunt sexum. Male scæminarum  
 Mundus, illustri pretiosus ostro  
 Fulget; & fucō nitet, inquieti  
 Tempore facti.  
 Lesboum pariter tendite barbiton;  
 Permulcete fides, & lituo rubas,  
 Et mistos sonitus jungite fistulæ.  
 Sic, sic perspicuam ducite Virginem  
 Ad mœsti solitum supplicii locum.  
 Odit verus amor, nec patitur moras;  
 Sponsum flama coquit; qui miser asperis  
 Extendit moriens colla securibus,  
 Extremoque mori gaudet in osculo.

## ACTUS TERTIUS.

*Marcus, Rozelina.*

*Mar.* **M**iseranda Virgo, fidus infœlix tuos  
 Turbavit ortus. Quis truces in te manus  
 Armavit Audax? rapior incensus; feror  
 Stimulatus irâ; pectus accendit furor.

*Titus, Saturninus, Polander, Melanus, Lucius, Indices, Marcus, Roselinâ.*

- Tit.* **A** Gnosce Cæsar : lachrymas fundit dolor ;  
 Supplex ienectus plorat , & guttis madet  
 Rugosa facies. Per tuum rogo genus ,  
 Per Matris oro nomen , atque ortus tuos ,  
 Per auspicatos mollium annorum dies ,  
 Ne nimius altam conciter mentem furor.  
 Miserere Patris , Cæsar , ad genua accido ,  
 Dextramque supplex pedibus admoveo tuis.  
 Miserere Cæsar , & preces placidus pias  
 Patiensque recipe. Vagiens fletu lupos  
 Movit Quirinus. Moveat iratam Pater  
 Mentem incitati Principis ; vel si preces  
 Fletusque durus spernis , & suam exigit  
 Justitia pœnam , liberos redimat suo  
 Titus cruore ; pereat infœlix Senex.
- Mar.* Exurge Frater. *Tit.* Jaceo supplex Cæsari.
- Mar.* Jam surge tandem. *Tit.* Nempe si veniam meis ,  
 Vitamque Princeps largiatur Filiis.
- Mar.* Exurge Frater. Quid jaces ? surdis abis  
 Rerum æstimator auribus ; spernit pias  
 Lachrymas tribunal. *Tit.* Quanta me clades premit !
- Mar.* Natam intueri Frater. *Tit.* Heu decus meum !  
 Mea Nata , ab ore qualis emanat cruor !
- Mar.* Mutilata linguâ & manibus infœlix gemit.
- Tit.* Mutilata linguâ & manibus ? *Mar.* Alpicias nefas.
- Tit.* Mutilata linguâ & manibus ? *Mar.* Effugiat dolor.
- Tit.* Mutilata linguâ & manibus ? *Mar.* Ulcisci decet,  
 Quid ? friget animus ? fare , quid Frater siles ?  
 Eloquere , subitus ora quis claudit dolor ?
- Tit.* Succumbo forti ; ferre non possum ; cado.  
 An luctu in ipso Gnata dat luctum novum ,  
 Mutilata linguâ & manibus ? an fallor miser ?
- Mar.* Fallaris utinam ! *Tit.* O chara vitâ charior !

Septentrionis frigidâ quis efferus  
 Nutritus Arcto pavit audacem tuo  
 Cruore dextram ? clausit oculos impudens,  
 Pudibundus ensis stupuit, & pavidus tuo  
 Stetit nitore. Sed tamen vicit furor.

*Mar.*

*Tit.*

Constanter illud patere, quod debes pati.  
 Non est pudendum, si furor totam malis  
 Et hinc & illinc mille distractam modis  
 Mentem inquietat. Nunquid æstuans Arabs  
 Diris sagittis; nunquid Æthiops suo  
 Sole ustus; aut qui Caspium tangunt mare  
 Parthi feroces; quique sanguine irrigant  
 Terram Tomitæ, tale sunt ausi scelus?  
 Quis inhospitalis Caucaſi rupem asperam  
 Heniochus habitans? quisve Cecropiis metus  
 Terris Procrustes? Matre pulchrâ pulchrior,  
 Romana damnans scelera, clementer tuum  
 Videat cruorem, membra Diomedes suis  
 Epulanda qui projecit armentis ferox.

*Mar.*

Roselina, loquere. quis scelerum Artifex?

Quis indicabit? Bathano Conjugem

Quis invidebat, aut suo Gnatam Tito?

*Tit.*

Sido&a Apelles pingat, aut Xeuxis manu  
 Facinus cruentum, quis nefas, quis Virginem,  
 Aut quis serenis cuncta perlegat genis?  
 Vivax Poësis, buccina illa temporum,  
 Rerumque custos, posterorum sæculis  
 Si narrat ingens, Roma quod videt, malum;  
 Male Roma, Cæsar, & Senatus audiet.  
 Virgineus altis periit in genis color;  
 Vox docta nostras erudito carmine  
 Cantare laudes, obmutescit; & manus  
 Æmula Minervæ, fracta nunc, & mortua  
 Non pingit ostro bella, quæ fecit Pater.

*Lucius, Titus, Marcus, Rozelina.*

*Luc.* **M**iserande Genitor, culpa me diræ necis  
Gravat innocentem. Quis locus tutâ teget  
Terrâ repôstum? Fugio. Fratres occidunt  
Peteuntque inulti; vincit afflictos metus.

*Tit.* Luci, intuerere; numquid hoc pœnæ genus  
Oculos fefellit? *Luc.* O scelus! vultu Soror  
Rozelina marcet faucio. *Mar.* Vide omnia,  
Linguam amputatam faucibus, truncas manus.

*Luc.* O dura semper fata! Quæ crudelitas?  
Quis Machinator sceleris est? In nos furit  
Styx quicquid abdit, quicquid est alibi malum.

*Tit.* Vindicta, & ira cum furore vindicem  
Parat huc & illuc incitata dexteram.

*Aran, Titus, Marcus, Lucius, Rozelina.*

*Aran.* **B**ellator audax, debitas pœnas luet  
Uterque Natus: tristis hinc trunco cruor  
Undabit, illinc ora cum fremitu cadent.

*Tit.* Expone seriem cædis, & locum indica.

*Aran.* Quem Thusca leni verberant fluctu vada  
Româ intuente; qui Ducum nunc undique  
Plebisque turba cingitur. Totum coit  
Ratibus relictis vulgus: his collis procul  
Aciem patenti liberam præbet loco;  
His alta rupes, cujus è cacumine  
Erecta summos turba libravit pedes.  
Hunc Pinus, illum Laurus, hunc Fagus gerit,  
Et tota populo sylva suspenso tremit.  
Extrema montis ille prærupti petit,  
Erecta at ille testâ, vel saxo sedet.  
Stipante turbâ, rapitur ad pœnæ locum  
Uterque Gnatus; multitudo euntibus  
Insultataudax. Unus exclamat: luant



Pro scelere pœnas, devorandi Tigribus ;  
 Aut triste trunco pendeant infami onus .  
 Exemplar aliis ; imbre saxorum cadant ;  
 Trahat interemptos currus ; aut necem eluat  
 Facinusque flama ; montis excidant iugo ,  
 Pereantque in undis. Alius, infandos, ait ,  
 Rape fratricidas : Roma vindex improbum  
 Sinit cruorem ; Carnifex stabit sacris  
 pincerna nostris ; rubra mixti sanguinis  
 Colore vina Romuli serus Nepos  
 Epota cranio, & ossibus vacuis bibet.  
 Respondet alter : Bella moderatur Titus,  
 Flectitque magnus Imperator Milites ,  
 Latique habenas ; nullus irato Quirīs  
 Impune rapiet è sinu Natos Patri.  
 Si facitis, instat pœna : funesto cadet  
 Ruitura lapsu Roma, finitimos premet  
 Vis tanta cladis ; quisquis & nostras videt  
 Peregrinus oras, Roma monstrabit loco,  
 Quo steterit : fulsit hic celsa domus  
 Tarpeja tecto, nobilis Capitolii  
 Labor superbus ; Janus illic januā  
 Quondam reclusā gentibus bellum dedit,  
 Clausa quietem ; turris è fastigio ,  
 Quod intueris, arbiter rerum sedens  
 Nero otiosus, urbis incensæ rogos,  
 Flamasque vidit : nempe sic pereunt Phryges  
 Undante fumo, Troja cum incumbit sibi,  
 Et alta muri decora congesti jacent,  
 Omnisque latè fumat Assaraci domus.  
 Discors tumultu Populus, exerta rapit  
 Linguam Loquentis ; sternit exanimem furor ;  
 Et qui Patronus voce defendit Tuos,  
 Fracta cruorem & spiritum fundit gulā.

*Tit.* Ubi tela, ubi arcus ! Roma quo præceps ruis ?

*Aran.* Lux ista cunctos Urbis Ausoniæ locos  
 Terrere cœpit : templa pavefacto tremunt

Concussa motu. Tum vides populum manu  
 Bellare nudâ, saxaque & ramos rudes  
 In arma vèrti; fusus hinc terras cruor  
 Insecit omnes, tela faciebat furor.  
 Hęc inter arma Virgo, sed magis Dea,  
 Dea vultu & ore, tendit; in genis pudor,  
 In veste pulcher muricis fulget color,  
 Quæ filâ ramis ultimi Seres legunt;  
 Cervix monili fulget, & nitidus lapis  
 Diduxit aures. Zona constringit sinus,  
 Onerata gemmis Zona, nec Veneris minor.  
 Tenetque nitida signa Phœbeæ facis  
 Venusta facies; lumine incenso micant.  
 Gemmæ rubentes; colla perfundunt comæ,  
 Pulchri capilli, nuptiis veluti novis  
 Jam jam parati; mœsta dejectos gerens  
 Vultus pudore, scandit ancipiti gradu  
 Frequens theatrum, terque submitit genu.  
 Stupet omne vulgus, terror attonitus movet  
 Populum furentem. Voce mōx tali tonat:  
 Mundi Imperator, Arbitrè vitæ & necis,  
 Ad sancta læti jura legitimi peto  
 (Sed te volente) bellici Gnatum Titi  
 Natu minorem; meritâ si dignè æstimas,  
 Absolve vitæ dulce præsidium meæ.  
 Dubitatûr etiam? quæ minor merces potest  
 Nostris dari virtutibus? mœstos juvet  
 Meminisse, Cæsar, Africi belli dies:  
 Exhausta nummis Curia, & clypeo, & viris  
 Vrbs indigebat; Milites nunquam sibi  
 Videt obsequentes Imperator, qui est inops.  
 Tuus efferatas hostis externi manus,  
 Trucesque turmas mœstus expectans Avus  
 Timebat Urbi; mœror immensus sonat.  
 Amita Parentis, sola civium salus,  
 Romæque columen, liberâ apportat Duci  
 Gazas potentes, & superbificas opes,

Iranque pietas. Ecce, si vivit minor,  
 Et major ipse vivat: ultrices vocant  
 Utrunque pœnæ. Merita pietati tamen  
 Supplicia cedunt. Liberis vitam dabit,  
 Gnatis salutem, Virgini mœstæ Procum,  
 Abscissa rigidi dextra bellatrix Titi.

*Tit.* Abscindo, reſeco. *Mat.* Frater, hoc absit malum,  
 Mea dextra petitur, regere quæ ferrum nequit.  
 Tu fortis omnes hostium frangis minas,  
 Tua dextra pugnat. *Tit.* Viribus fractis jacet,  
 Inepta ferro; trunca defendat Meos.

*Mat.* Non patior unquam. *Luc.* Frater absolvam meos  
 Pro Patre Fratres. *Tit.* Poscitur, dabitur mea.

*Luc.* Placabit iras Lucius. *Mat.* Lacerum petit  
 Vindicta Marcum. *Luc.* Juro per genus meum,  
 Avello nostram. *Tit.* Verba non solvent Reos.  
 Jube Imperator; jura condemnant Titum.

*Luc.* Tua dextra? dextra solus hostium metus?

*Aran.* Sic, sic agendum est: summa votorum attingi.  
 Sed nondum abunde est. Pergam, & implebo Patrem.  
 Funere Suorum: sorte concidet pari  
 Dominator ipse. Sic securigerâ manu  
 Altum superbo vertice attingam Polum.

*Tit.* Quæ postulatur, liber abscondo manum,  
 Da, da petenti: hæc illa formidabilis,  
 Hæc dextra victrix sæpe, & hostibus gravis.  
 Hæc, hæc acerbâ clade germanam furens  
 Summis phalangem fudit Alpium jugis.  
 Cruore fluctus unda purpureos agens  
 Quot volvit hostes! ense sanguineo jacent  
 Sparſi Molossi; Gotthia infractis gemit  
 Bis victa telis; Argos everſa ruit  
 Æquata fundo: tanta clades gentium,  
 Sparſæ tot Urbes, Gloria & decus Titi est.  
 Hæc dextra faustas Civibus leges tulit;  
 Hæc dextra Natos solvet? adfer Cæsari;  
 Gnati superſint. Plura si poposcerit,

Dabo cruorem ; plura si populerit  
 Profundo Vitam. Tympanum velet cutis  
 Detracta costis ; impium raucus Ducem  
 Clangor juvabit , cum superbifico sedens  
 Curru per Urbes fictus invehitur Deus.

*Aran.* Per concitatum Militum , & vulgi gregem,  
 Feram Imperanti , quæ Tuos solvet, manum.

*Tit.* Roselina, Patri sola concusso quies,  
 Cur fletus ora maculat, & multo genæ  
 Rore irrigantur ? dextra te Patris movet ?  
 Nutat ! movetur ! quam velit misera loqui ?  
 Lætare , gaude , Gnata : sedabo tuas ,  
 Sedabo lachrymas. Cæsari quondam manus  
 Vtilia bello fecit ; hoc solum meum est ,  
 Hoc esse nostrum crede , cum pugnat sibi ,  
 Et moesta diris pignora eripio malis.

*Luc.* Quis in Sororem tam truces acuit manus ?

*Mar.* In nemore denso candidos tristis sinus  
 Fletu inquinabat. *Luc.* Cur diem questu tero ?  
 Ad hauriendum sanguinem inimicum feror.

### *Quintus, Titus, Marcus, Lucius, Roselina.*

*Quin.* **D**Ecus Quiritum , dextra redditur tibi  
 Iussu Imperantis. *Tit.* Redde Patri Filios.

*Quin.* Sunt interempti : Capita , quæ porto , vides.

*Tit.* Te fata perdant ! *Quin.* Quod tero , meus mihi  
 Mandavit Aran, *Mar.* Fumen obruat caput !

*Luc.* Procul hinc facesse. *Mar.* Pectus attonitum suos  
 Non ponit æstus ; sevit , & pergit furor ,  
 Secumque pugnat ira. Jam fasces tremunt.

*Luc.* Misera senectus ! Filios perdis Pater,  
 Occidimus omnes. Lingua quid longo stupet  
 Labefacta luctu ? loquere ; clama ; spiritum  
 Firma cadentem. *Mar.* Spiritum claudit dolor ;  
 Eversa mens succumbit. Haud aliter stupet ,  
 Quam si Medusæ vultu & aspectu horridos

Vidisset

Vidisset angues. Frater, exopto tuas  
Audire voces; ede, quam poenam pares?  
Per inquinatum, te precor, Gnatę decus;  
Per Filiorum fata; per mortem, & mala  
Domus cadentis; pectoris pande impetum.

*Luc.* Si te paterni commovet cordis favor,  
Haud usitatum sume supplicii genus;  
Aut omnis abeat ira! quid dubitas loqui?

*Mat.* Vocem dolori lingua luctifico negat,  
Et ora mortis similis obducit color.

*Tit.* Morior, premorque. *Luc.* Quid Pater mortem appetis?

*Tit.* Morior, premorque. *Luc.* Flere me jubet dolor.

*Tit.* Morior, premorque. *Mat.* Sancta quo pietas fugit,  
Et ipsa Ratio? *Tit.* Sidera, & Cœlum invoco.

*Mat.* Compesce verba. *Tit.* Sidera, & Cœlum invoco.

*Luc.* Depone questus. *Tit.* Sidera, & Cœlum invoco.

*Mat.* Occulta faciunt odia vindictę locum.

*Tit.* Levis est dolor, qui regere consilium potest,  
Et clepere sese. nostra non latitant mala.

*Mat.* Fateor, cruentas temporis moesti vices  
Subeundo pateris; gravia sed luctu doles  
Inusitato. Tempori aptari decet.

*Tit.* Sint mille linguę, divus eloqui nitor,  
Gerit in quęti concitas vices Noti  
Vox duplicata; non tamen tauri modum  
Pander doloris, aut domus luctum meę.

*Mat.* Vindicta properat; Vindici poenę dabit  
Scelerata Cœlo turba. Tende ad Æthera.  
Cum laude palmas: Supplices juvat Deus.

*Tit.* Sed me astra multo Filiorum sanguine  
Mersum repellunt. Si preces spernit Polus,  
Acheronta moveo; & inferas Ditis domos.  
Adeste, adeste, sceleris ultrices Deg,  
Crinem solutis squallidę serpentibus,  
Atram cruentis manibus amplexę facem;  
Stimulate pectus. Curia & torus cader  
Ferro Senatus. *Luc.* Quo tuus vergit suor?

Iactor

*Tit.* Jactor per undas naufragus, *Mar.* Iam comprime  
 Questus inanes. *Tit.* Quid prius referens gemam?  
 Tuosne luctus, Filia? an raptam manum?  
 An exulantis dira fata Lucii?  
 Tuamne, Bassiane, quâ jaces, necem?  
 An interemptos Filios, florem domus,  
 Et spem Nepotum? *Luc.* Tacitus occultet dolor,  
 Quod corde tegitur. *Tit.* O Tyranni! O Impii!  
 O Gnate patrios Urbis Ausoniæ Lares  
 Exsul, pavens, invisus alieni Laris  
 Hospes relinquis? gentis externæ solum  
 Errans adibis? fata confundunt meos  
 Turbata sensus, *Mar.* Surge, & adversa impetu  
 Perfringe solito. *Tit.* Sola Genitori Comes  
 Roselina, tristes imbre quo spargis genas,  
 Hunc esse gemmas rebor; his celsum caput  
 Ornabo lachrymis; hic inexplata cruor  
 Tellure sparsus, conciti baccas maris  
 Refert colore; fulgeat tali meum  
 Splendore collum; grande connectat meos  
 Diadema crines; sanguine infausto placet  
 Diadema tinctum. Purpuram sælix Tyrus,  
 Croceosque vultus jactet ætherio sedens  
 Aurora curru; Veris optati decor,  
 Et pulchra facies, Virginis cupiat libens  
 Cruore spargi. Taceat immensum nefas  
 Philomela; Progne Terea absolvat suum;  
 Graviores passus Filia queritur dolor.  
 Ubi hanc senilis expuam lethi moram?  
 Succumbo sorti. *Luc.* Non levant lachrymæ malum,  
 Secreta gliscat ira: quæ tegitur, noçet.  
*Tit.* Quicumque sæva capita, discussit manu.  
 Cadat, ruatque sorte damnatus pari.  
 Nati perempti, tale bellorum exitus  
 Terrâ, marique mortis insequitur genus?  
 Vigor juventæ cecidit. O dirum nefas!  
 Premunt (furore raptor) æquali Titum

Elementa lapsu. Parta jam, parta ultio est.  
 scelerate Cæsar, quantus impendet tibi  
 Cumulus doloris! grande supplicium lues.

*Mar.* Quid hoc? quis atrox concitat mentem dolor?

*Tit.* Tu, qui serenos ruris Elysi locos  
 Cum Fratre Frater, morte concidens gravi,  
 Claudille, spectas; fare, quis fudit domum?  
 Sævæque durum cladis Auctorem indica.  
 Non ante vestros igne subiecto rogos  
 Cineres cremabit, quam cruentando cadant  
 Ferro Latrones. *Luc.* Pectori tandem tuo  
 Manda querelas. *Tit.* Surge; rumpe jam fores,  
 Erebiq;ue portas; dic reas scelere manus;  
 Dic, Bassiane. *Mar.* Rumpere jam questus, precor.

*Tit.* O dextra, summum gentis Ausoniæ decus!  
 O dextra, solus Orbis, & Terræ timor!  
 Jubente Domino, sanguinem effundis tuum,  
 Jubente raperis; sola spes Romæ cadit.  
 Populi Tyranne, senties tandem mihi  
 Superesse vires. Marce, fortunæ Comes,  
 Extolle planctus; arduos humeros manus  
 Furibunda quasset; ore te gravi juvet  
 Deslere Fratrem; verberare excusso sonet  
 Lugubre pectus; exprimat fletum dolor.

*Mar.* Neptes Quirini, gentis Ausoniæ decus,  
 Ferite palmis pectora, & septem gemant  
 Clamore montes; crine disperso fleat  
 Quæcunque Virgo est. Fratris æumnas mei,  
 Altumque vulnus defleant mœstæ Nurus.  
 Quoscunque luctus fleverint, flebunt meos:  
 Sua quemque tanrum, me omnium clades premit;  
 Mihi cuncta pereunt; quisquis est, Tiro est miser.  
 Quid, Marce, lachrymas siccus aspicias meas?  
 Jam flere oportet. Ingemis? vasto mihi  
 Pande ora rictu; mugiat totum nemus,  
 Timidasque clamor impleat sylvas metu,  
 Fugiente Fauno. Sic decet: miseros juvant

Lamenta. Misero cuncta labescant Tito.  
 Roselina, flendum est. Flere te nostros decet,  
 Roselina, casus. Largus ora proluat  
 Lachrymis obortis imber, & tuas bibat  
 Thusca unda guttas. Perge, Natorum optime,  
 Sic perge: sequimur; perge, tota casibus  
 Immersa nostris Roma, longo fluctuans  
 Fletu nabit. Laudo, Marce. Comprime,  
 Roselina, voces: sylva nobiscum gemit.

*Mar.*

Decus Quiritum! vidit hic dies tuos,  
 Sed vidit, cheu! nec videt moestus tuos  
 Dies triumphos. Tota gaudens Curia,  
 Totum Tribunal, omnis Imperii locus  
 Plausu sonabat. Tot Senatorum frequens  
 Ubi turba? Moestam inglorius vitam trahis.  
 Hæc lux beatum fecit, hæc miserum facit.

*Tit.* Vultum serenat risus, *Mar.* In medijs malis?

*Tit.* Vultum serenat risus, & quatit ilia:  
 Expressit omnes moeror infœlix aquas,  
 Arentque duri, fonte siccato, sinus.  
 Vindicta flammæ subdit, & ravidam coquit  
 Calida ira mentem. Ferveo. Troja ignibus,  
 Atque Æthna nostris cedit. Haud superest liquor.

*Mar.* Nunc, nunc Tito est opus; tuum nunc inparem  
 Animum malo resume. *Tit.* Perge, quid manes?  
 Nugamur, insta. Quis rapit Marcum metus?  
 Cur est canendum? quale responsum refert?  
 Audimus ursam; sylva nutanti gravis  
 Fago intremiscit. Nata, quid narras Patri?  
 Sat est, abunde est: Audio vocem, audio;  
 Roselina loquitur. *Mar.* Magne Dux, nimium furis.

*Tit.* Quis ille? Titus, an alius? incessu est Titus.  
 Gradamarde, sequimur; nemo te eripiet mihi.  
 Claudille, eundem est: morte prensamus Styga.  
 Dixitte charum (Fratri hæc Coniunx tui est)  
 Melane, Patrem. Flere cur, Aran, negas?  
 Sed ora pandit. Spectra, furiarum cohors,



Quæ spectra cerno ? fallit aspectum minax,  
Et volucris Umbra, Phœbus occultat caput,  
Atrisque pavidum nubibus condit jubar.

*Luc.* Pater intueri Lucium. *Tit.* Nectis moras ?  
Comitare Patrem: Totus expectat Titum  
Et te Senatus, Imperator impius  
Exercet artes impius. Viduæ cadunt;  
Viduata multis Roma luget Civibus;  
Pupillus insons Cæsari exuit cutem,  
Ornatque diras carne pupillâ dapes.  
Stat structa mensa. Cranium calicem facit;  
Cruor salernum, sicca formidabilem  
Dant ossa sedem; fulget ostro & murice  
Melior pellis; ille carnibus satur,  
Plenus cruore, ventre distento sedet.

*Luc.* Quis ille rabidus mentis effrenæ furor ?

*Tit.* Procul hinc, abeste hinc: ebriosus huc gradu  
Incedit alto Cæsar, & vorat meos,  
Cruentus ore, dente torvus Filios.

*Mar.* Quo tendis amens ? vince dementem impetum.

*Tit.* Quis latitat illic ? me petit. Tegite Titum;  
Tegite innocentem: me Tribunal fascibus,  
Tenetque Tortor implicatum funibus.  
Ignosce Cæsar; quis negat veniam Tito ?  
Quid, Phœbe, dormis ? audio murmur. Tace;  
Thamera, tacendum est. Voce, sed quâ nescio,  
Pulsat quis aures. *Mar.* Cuncta patienter feras;  
Parva ultionis, quæ sequetur, est mora.  
Tu nuper Orbis Tutor; & Viduis Pater;  
Tu murus Urbi, columen afflictis eras;  
Cocles in armis; Mystra legum; & Curiae  
Vox una: nunc versa mens sordet malis.

*Tit.* O sortem acerbam ! mortis invenio viam,  
Aut facio. *Luc.* Ferrum comprime, & fræna impetum.

*Tit.* Sic, sic agendum est. Nata miscebit meo  
Lachrymas cruore. *Mar.* Pone dementes minas,  
Ferrumque Fratri trade, Frater. *Tit.* Insolens

- Exundat ira ; & omnibus læsus dolor  
 Intentat, & minatur , & parat necem.
- Mar.* Nimium ira sævit. *Tit.* Molle cor mortem timet.
- Mar.* It cautiore , quisquis est sapiens , viâ.
- Tit.* Sed vindicanti nulla difficilis via est
- Mar.* Deus æquitatem fulcit, & miseros iuvat.
- Tit.* Sero innocentes audit, & miseros Deus.
- Mar.* Infanienti Nauta terretur Noto ,  
 Cum jam dehiscens Pontus , in præceps rapit ,  
 Hauritque Amicum. Plena res periculi est.
- Tit.* Nunquam timendum est Fortibus. Loquitur meo  
 Vlysses ore , & pectori dolum ingerit ,  
 Dolumque firmat robur , & manum dolum.
- Luc.* Dubitalne ? Fratri Frater auxilium suo  
 Opemque debet. *Mar.* Metuo fortunæ aleam.
- Luc.* Sed, crede, nobis illa foelici cadet  
 Firmata casu : Militum favent greges ,  
 Et Imperantem castra defendunt Titum.  
 Coacta ferro & ignibus , discet mihi  
 Parere Roma. Sponte sed pandet Viro  
 Matrona portas. *Mar.* Perge ; quo ducis , sequor.
- Tit.* Quod pollicemur facile , non debet dies  
 Differre longus : certa promissis solet  
 Sese obligare jurejurando fides.
- Mar.* Quid machinaris ? *Luc.* Scribit. *Tit.* Expressit manus  
 Concepta , quæ jurabimus, verba. *Mar.* Approbo.
- Tit.* Sic scelere dignum Cæsari impendens malum,  
 Evertet omnem sedis augustæ domum.
- Mar.* Non temperari facile , nec reprimi potest  
 Vindicta foelix , cujus insectæ semel  
 Vecors libido est. *Tit.* Strictus ensis audiat ,  
 Certa obstinatus verba quæ jurat dolor.
- Mar.* Adsum paratus , perge : nulla in me mora est.

*Vmbra Claudil. & Gradamard.*

- T. M. L.* **F**idem obligamus. *Vmb.* Obligamus. *Tit.* Montibus  
Echo repellit verba; concedam huc parum.
- T. M. L.* Fidem obliga: *Vmb.* Fidem obliga: *Tit.* Quæ vox redit?  
*Mar.* Reperio nullum. *Tit.* Melius isthuc ibimus.
- T. M. L.* Fidem Obligamus. *Vmb.* Obligamus. *Luc.* Quis solus  
Resultat? *Tit.* Aures pepulit infœlix meas.  
Vox Filiorum. Petite, Nati; poscite:  
Stamus parati. *Vmb.* Vltionem poscimus.
- Tit.* Eajam parata est. Edite Authores mali.  
Ruet ira in hostes. *Mar.* Teste juremus Polo.
- T. M. L.* Fidem obligamus, teste Cœlo, mutuam;  
Ita quod minari fulmen & tonitru potest,  
Atroque solvant; Roma nisi fractis ruat  
Eversa tectis. *Tit.* Non fero ulterius moram:  
Stat ire contra. Cæsar hoc ferro cadet.
- Luc.* Quid nunc agendum est? quodve consilium peto?
- Tit.* Dabit ira vires, & ministrabit furor  
Gladios dolori. Tu mane. Nos tendimus  
Festini in Urbem; principes nobis Viros,  
Cumque expeditâ mittite heroes manu,  
Sole occidente. Si cruentandæ modum  
Cædis sequuntur, litteris cuncta audies.
- Luc.* Tu, Genitor, omnem dirige incœpti viam:  
Nos te sequemur. Fata si volunt, Pater  
Populo imperabit, postque Patrem Lucius.

*Lucius. Quatuor Duces.*

**A**ptate forti Principes, ferrum manu,  
Sævamque galeam; leva se clypeo ingerat.  
Properate eundi est tempus: expectat Pater.

*Aran, Lucius, Quiro, Demetrius, Quatuor  
Duces.*

- Aran.* **Q**uem Virgo vultum, verba quæ vestro tulit  
Vexata stupro? *Luc.* Fiat hinc alio gradus.
- Aran.* Quid reticet Heros? *Luc.* Gotthiæ Ducem vides?
- Dem.* Per me modestus Virginis cecidit pudor.
- Quir.* Lacerata per me lingua sanguinem expuit.
- Dem.* Ego rubefactas ipse præcidi manus,
- Quir.* Quiro nitentes sanguine infecit genas.
- Aran.* Vera indicatis? *Quiro.* Vera (per Deum) indico.
- Aran.* Et approbatis, quodquod incipiam, scelus?
- Quito.* Quid ista dubitas? facta jam, & solita expetis.
- Dem.* Quâ mente jussum fortis intulerim stuprum,  
Frater loquatur. Quodquod aggredieris nefas  
Sequitur obstinatus. Concidet tali modo  
Jam jam cadentis dubia majestas Titi.
- Luc.* Petamus hostes: ira non patitur moras.
- Aran.* Quid hoc? quis in nos involat? *Luc.* Tuæ Arbiter,  
Hostilisque vitæ. *Aran.* Nunc agite; necessitas  
Addet lacertos, *Luc.* Tela victus exue.
- Aran.* Hic, ecce, vitæ murus, & votum meæ.
- Luc.* Scelerate, cunctos pande facinorum modos.
- Aran.* Quod poscis, edam. *Luc.* Vitia narra bis malæ  
Horrenda vitæ? facta, quæ damnat pudor?
- Aran.* Cædes cruentæ, & ira, & impietas furens,  
Collecta vitia, per tot annorum gradus,  
Mea sunt; manebunt. Quid sacrâ stuprum in domo  
Vitium que referam? non itat à nostris malis  
Immunè templum; funera, & diras neces  
Nece cumulavi; concidit nostro Parens  
Invisâ ferro; pressit Infantes gravi  
Mea dextra lapsu; Vacca sensit incitum  
Devota amorem; Frater invisus ruit  
Discerptus ense; Conjugi mœstæ pudor  
Et vita rapta est; Matris asperfit genas

(Meminisse gestit animus) Infantis cruor.  
 In Æde gelidi stans superbificâ soli  
 Imago colitur nostra; & insigne exhibens  
 Lata ora marmor, Carmen hoc servat meum:

*Impietas impune ruat; nulla, Improbe, pœna est:*

*Intereunt parili corpus & Umbra modo,*

Sic vixit Aran; sic meis captus dolis  
 Sua concitatus fata deplorat Titus.

*Luc.* Quis me retardat? dextra quid cessat mea  
 A cede M<sup>o</sup> nostri? *Aran.* Pectus impellit furor,  
 Vindicta dextram; quoque nil metuat manus,  
 Armat furorem luxus, & vis, & nefas.

*Luc.* Horrenda memoras. Scelera dedisces malo  
 Narrare domitus. Sæva Styx, & Inferi  
 Desiderato Te cruore nutriunt.

*Aran.* Si Styx furores, si facit Pluto meos,  
 Vexata nostris Roma sæpe manibus,  
 Metuet pereimprum. Terra Saturni graves  
 Horrebit Umbras, & dabit pœnas Quiris.

*Luc.* Abripite properè gentis Aufoniæ luem:  
 Accipiat istum supplicem, & vinctum Pater.

### *Chorus Fœminarum.*

**R**oma, sœx Thracum, rigidique sedes.  
 Insolens Parthi, domus Impiorum,  
 Nutrit immiti gremio Tyrannos.  
 Occidunt primis Juvenes in annis,  
 Flos Juventutis, columen Quiritum,  
 Spes Patris, murus patriæ, Latini  
 Gloria belli.

An potest pleno bibere ore justum  
 Sanguinem tellus? an & innocentem  
 Lambit [in vitis Superis] cruorem  
 Dira crudelis rabies catastæ?  
 Si suos nunquam scelus, & libido  
 Armet Authores, vacuum Tribunal,

Carcer & dempto fileat tumultu.  
 Nec Reis Judex sua jura dicat.  
 Hic liquet virtus, ubi culpa damnat  
 Criminis causam; sed iniquus error  
 Cæsaris mentes hebetat, sovetque.  
 Scimus: hac Vitam ratione Nostris  
 Credidit fatum; sed abominandâ  
 Ire sub Manes nece, non volebat.  
 Morte quâ lucem Juvenis reliquit?  
 Vestrum, dixit, pectus an ignis  
 Acrior urit, quam qui saxa  
 Vomit Æthneo furibunda specu?  
 Si nos petimur, petimur tuto;  
 Pereat corpus, bibat effusum  
 Terra cruorem.  
 Cadet insonti víctima culpâ;  
 Nec fraternâ Fratres dextrâ  
 Cidere suff. Quod-si Vestam  
 Maculet nostro sanguine Cæsar;  
 Repetet, repetet vindicta necem.  
 Frangitur irâ, ruit in furias,  
 Cum verus amor videt Innocuos  
 Impune mori.  
 Bene sit Patriæ; bene sit Cunctis.  
 Mox sua p[ro]prio corpora vultu,  
 Mortem extensâ cervice manens,  
 Sub Carnificis trepidi dextram  
 Moritura jacit.  
 Datus in gyrum gladius colla  
 Recidiva ferit: cruor emissio  
 Flumine tristem maculabat humum.  
 Ciet ingentes Sponsa dolores;  
 Tegit abscissos floribus artus.  
 Et dum Sponsum lachrymans tractat,  
 Cadit in medium frigida truncum.  
 Gemmatas pariter scyphis,  
 Permissæ Maribus Nurus,

Fusum promite sanguinem.  
 O sanguis pretiosior !  
 Fusum promite sanguinem ;  
 Æstivis similem rosis ;  
 Queis Sponsæ decet Occiput  
 Velari, & laceras genas.  
 Quot crevere rosaria !  
 Quot subter tumulo novos  
 Eduxit frutices cruor !  
 Per te sidonium licet  
 Ostrum despicere : irrigat  
 Tellurem tibi, purpurâ  
 Quâ purpurea pulchrior.  
 Fas sit tingere nobili  
 Nostram Andona sanguine.

## ACTUS QUARTUS.

*Titus, Capita Pol. & Melan. Umbræ*

*Claudil. & Gradamard.*

*Claud.* **A**ndronice. *Tit.* Gelidus ossa terror concutit.

*Grad.* **A**ndronice. *Tit.* Gelidus ossa terror concutit.

*Claud.* Quis te retardat ? quidve vindictam trahis ?

*Tit.* Quos cerno manes ? *Grad.* Umbra Natorum ambulat.

*Tit.* Quo, Nati, abitis ? horreo ; stupeo ; coma

Terrore subito sudat. Ecquid queritis ?

Eloquere Patri ; fare vindictæ modum.

*Pol. Cap.* Quem nulla satiat pœna. *Tit.* Sed vindex quibus

Minatur ira ? *Mel.* Fraudibus quorum salus

Decusque nostræ styrgis eversum jacet.

*Tit.* Quis Architector ? *Pol.* Qui Gothis se Principem

Mentitur Aran. *Tit.* Pessime, extinctus cades ;

Nec vindicantem liber effugies Titum.

## *Marcus, Ascanius, Titus.*

*Mar.* **Q**uid hæret animus Frater? aut quid pectore  
Meditaris alto? Frater ingenue solet  
Patere Fratri. *Ascân.* Sequitur à tergo metus  
Properantis Amitæ; sequitur; eripiet librum.  
Teneatur; instat; impeditam contine.

*Tit.* Nihil est pericli; ne time. Quid vis, legam?  
Mea Roselina, loquere; num quicquam Patri  
Habes videndum? *Mar.* Mœsta principium notat.

### *Titus legit.*

*Iamque iter effectum est: jamque in sua litora sese.  
Puppihus exierant: cum Rex Pandione natam  
Instabula altrâ trahit, sylvis obscura vetustis.  
Atque ibi pallentem, trepidamque, & cuncta timentem,  
Et jam cum lachrymis ubi sit Germana rogantem  
Includit: fassusque nefas, & Virginem, & unam  
Vi superat; frustra clamato saepe Parente,  
Sape Sorore suâ, magnis super omnia Divis,*

### *Rozelina Tito librum è manibus excutit.*

*Tit.* **T**emerata Gnata est? castus interiit pudor?  
Et rupta Zona est? *Mar.* Annuens: misera, annuens  
Stuprum fatetur. Proh dolor? quo labimur?  
Quis innocentes crimine asperfit sinus?

*Tit.* Temerata Gnata est? castus interiit pudor?  
Et rupta Zona est? misera, quot luges malis!  
Excisa diro lingua ferro conticet;  
Statque mutilatis Virgo mœsta brachiis;  
Et rupta Zona est. Quis furor mentes agit?

*Mar.* Cognata, posses sceleris indicium tui,  
Proferrè vocem lingua si sciret, dare?  
Accede, Marcum disce monstrantem sequi,



Præeunte baculo. Nomen hic vides meum;  
Imitare nostras, si potes, baculo notas:  
Sic vindicatum pectus explebit nefas.

*Tit.* Sic ipse forti crimen ulciscar manu.

*Mar.* Baculum ore fræna; dirige ambobus simul  
Mutilata truncis: verba distinctè explica.

## *Titus legit.*

*Tit.* **T**hamerâ incitante, & incitante Adultero  
Ferox pudorem rapuit, & Zonam mihi  
Cum Patre Quirô. Pessime ardor, impię  
Vesana rabies mentis! infandum stuprum!  
Miseranda Virgo! *Mar.* Notus est Aucthor mali.

*Tit.* Thamerâ incitante, & incitante Adultero  
Ferox pudorem rapuit, & Zonam mihi  
Cum Patre Quirô. Pessime ardor! impię  
Vesana rabies mentis! infandum stuprum!  
Miseranda Virgo! *Mar.* Præparetur ultio.

*Tit.* Thamerâ incitante, & incitante Adultero  
Ferox pudorem rapuit, & Zonam mihi  
Cum Patre Quirô. Pessime ardor! impię  
Vesana rabies mentis! infandum stuprum!  
Miseranda Virgo! *Ascan.* Quis tuos movet dolor,  
Optime Ave, seclusus? interemptus occidet,  
Optime Ave, nostrâ, si cupis, Latro manu.

*Tit.* Animose, tantas non capis vires Puer.

*Ascan.* Profecto capiam; non timer Titi Nepos,  
Nec adhuc timebit. Gemina cristati caput  
Angues ferebant ora, quos contra obvius  
Reptavit infans Hercules: sed erigit  
Me major ætas: capite cristato niter  
Vertex superbus; nec tegunt cunæ suum  
Nutrixve Alumnum. *Tit.* Difficultas obruet.

*Ascan.* Surgentis ætas lustra jam complet duo.  
Promisit enssem nuper, atque equos Pater.  
Mucrone cinctus gradiar, & generoso eques

Vehar caballo, si, quem Alexander legit,  
 Lego ipse liberum. Tradite huc gladium; cader.  
 Transfixus ense Latro. *Tit.* Vix trucem seras  
 Vultum Tyranni. *Ascan.* Credis Ascanium metu  
 Pallefcere ullo? magna mens audet Deos  
 Affari ad aras. *Tit.* Clara progenies Titi!  
 Magnanime, magno nate Lucio, Nepos,  
 Romanæ tandem sceptræ regali potens  
 Gestabis Aulâ; jura tot populis dabis,  
 Victisq; mittes sub tuum gentes jugum.  
*Mar.* Ego hinc recedò; miles expectat meus.  
*Tit.* Ego certiore facio scriptis Lucium.

*Thamera, Titus, Quiro, Demetrius.*

*Tham.* **A**Ndronice. *Tit.* Quis me? *Tham.* Injurix vindex tuæ  
 Atro silentem nubilo liqui domum.  
*Tit.* Effare nomen. *Tham.* Nomen an quæris meum?  
 Vindicta dicor, Inferis vetus Incola  
 Immerfa terris. *Tit.* Ipsa Thamera est, audio,  
 Comitata utroque Filio. Ingenio est opus.  
 Optata salve noctis infernæ Dea;  
 Ter ampliusque, grande Nympharum decus,  
 Mea Sponsa, salve; liceat amplexu frui.  
*Tham.* Recede; torvo territat vultu Procos  
 Horrenda facies. *Tit.* Quisquis aspectat tuos,  
 Formosa, vultus; victus & fractus cadit  
 Amore tali, Pectus exanimat decor.  
 Ferus est cruento corde, qui tuas nequit  
 Sentire flammas: qui tamen sentit, potest  
 Audax videri. Forma me victum tenet.  
 Ignosce nostris (insolescunt) ignibus.  
*Tham.* Te flamma torquet. *Tit.* Torquet & Deos amor,  
 Thracesque duos. Alma cunctis imperat  
 Cytherea terris; nec suis quicquam finit  
 Immune telis. *Tham.* Cæna sed tuos domat  
 Ignes senectus. *Tit.* Lustra bis numerans dno

Juvenilis ætas, robore haud parvo tumet. |  
 Succurre amor: sentio! vrit, sentio!  
 Et ardet intus. Oris optati decor;  
 Et pulchra facies, labra, quæ ferunt rosas;  
 Collumque mille lenius; multo micans  
 Splendore vultus, quemque per flammæ rapit.  
 Quam nigra Phœbo Luna, ~~san~~ cedit tibi  
 Genitrix amoris (maximum Numen) Venus.

*Tham.* Sine fraude loqueris? *Tit.* Rapior heu! rapior miser!  
 Miserere Amantis. Laudat hic faciles genas;  
 Hic laudat oculos; hic serenatis Proci  
 Labris inhæret; splendor alter sinus  
 Fovet & fovetur; occupat tandem furens  
 (Res grata Amanti) candidos dextra toros  
 Nudumque corpus. *Tham.* Siste ferventem impetum.

*Tit.* En sylva ab omni libera arbitrio vacat,  
 Satis apta flammis. *Quir.* Spiritum turbat furor.

*Dem.* Contracta frons est. *Tit.* Pectus insanum coquit  
 Vindicta vecors. *Tham.* Scelera si duro studes  
 Punire lætho, Lucius tandem gravi  
 Cadat ense fractus; videat ultrices manus.  
 Hic fraudis Auctor, cædis & necis fuit  
 Malus Architector. Pertinax rursus furor  
 Armat Ministros; sceptræ, si pateris, feret.

*Tit.* Agnosco fraudes. *Tham.* Territus Genitor stupet.

*Tit.* Formosa, toto splendidum mundo jubar,  
 Accede propius, Virgo; tu tantum nefas  
 Palam resolvis. Concidat monstrum ferox,  
 Tollatur hostis; pereat; extinctos dolo  
 Fratres sequatur. *Tham.* Cæsarem totum trahet  
 Mors Bassiani. *Tit.* Siste; nostrum sentiet  
 Homicida ferrum. *Tham.* Quærit hanc Thamera viam.

*Tit.* Mihi mors paratur; repetet Aucthores scelus;  
 Morientur hostes. Cæsari tantum nefas  
 Thameræque totum fraudis exponam modum.

*Tham.* Ipsa indicabo. *Tit.* Siste, quo properas, fugam?  
 Mea vita, siste: Cæsar incensum geret

- Amore subito pectus, & Venere novâ.  
*Tham.* Meus iste labor est, aggredi tantum Ducem.  
 Et concitatas flectere, ut volo, faces:  
 Modo me Leonem; jam cruentatum vides  
 Sævire Taurum; sylva jam; nunc sum lapis;  
 Modo juga montis; conciti quondam freti  
 Assumo faciem; flamma post tempus placet,  
 Inimica ponto. *Tit.* Perfer, omnia indica.  
 I, tende ad Aulam; Cæsar abripiat moras,  
 Thameraque pergat. Magna consilia assero.  
*Tham.* Propere volamus. *Tit.* Sed tamen mancant tuæ  
 Mecum, oro, comites: ira sic crescet, cupis  
 Si sola sugere. *Tham.* Vota succedunt mea:  
 Juvat videre capita Natorum omnium.  
*Tit.* Truculenta Meretrix, vade; luceſcet dies,  
 Quo seſa mandes ore funesta Tuos.  
 Huc, huc, Philippe, Marce, quid cessas? veni;  
 Propera, Camille. *Quiro.* Comprimas vocem, rogo.  
*Tit.* Ubi est cohors? ubi illa Famulorum manus?  
 Celerate cuncti. Verba nequicquam sero?

*Marcus, Titus, Quiro, Demetrius, Tacitus, Philippus, Camillus.*

- Mar.* Quid, Frater, agitas; quid novi est? *Tit.* Quos tu vides?  
*Mar.* Utrumque Thameræ filium. *Tit.* Erras; non vides.  
*Mar.* Profecto uterque est. *Tit.* Errat acies luminum.  
*Mar.* Vidi omne; uterque est. *Tit.* Lingua quo titubat sono?  
 Hæc vindicantem Numina sequuntur Deam.  
*Mar.* Vidi, ipse vidi: Mater huc ibat suis  
 Comitata Natis. Ponite angues, ponite  
 Stygios amictus: nulla fraus captos teget.  
*Tit.* Quin nunc in undas forma mutato redit  
 Conversa vultu? quin trucem facitis bovem?  
 Rapidoque nostras igne decipitis manus?  
*Dem.* Miserere nostri. *Tit.* Filiam nemo audiit  
 Frustra rogantem. Membra lacerato traham

Convulsa naso; quicquid & Viros facit  
 Cultro rescindam; scissa disruptos cutis  
 Nudabit artus; tostaque igne corpora  
 Meretrix vorabit Mater; ebria impio  
 Mater cruore. *Quiro*. Suafor atque Author mali  
 Est vnus Aran. *Tit*. Vna mentis impulit  
 Rabies volentes. *Mar*. Perge, non patitur moras  
 Vindicta; perge. Trepida quid cessat manus?  
*Tit*. Ferte huc, Ministri, ferte pelvem. Quid manes,  
 Roselina, quid stas? ore funestum nefas  
 Vlciſcere audax; peſtus atrox dentibus  
 Lacera cruentis; expue in faciem hostium  
 Cor semivivum. Accede Latro; non fugis,  
 Fratremque Frater sequare supplicio pari.  
 Inimica membra! pessimi Aucthores mali,  
 Sic post Meorum funera extincti jacent.

### Nuntius, Titus, Marcus.

*Nunt*. Bene est; triumphas; captus est Aran, Tite.  
*Tit*. **B**Quis coepit hostem? *Nunt*. Lucius. *Tu*. Dignas feret  
 Pro scelere pœnas. Quo sedet captus loco?  
*Nunt*. Claudis latentem currus, & tectum vehit.  
*Tit*. Sic nulla monstrum dextera eripiet mihi.  
 Addam, salutis quotquot hostes sunt meæ;  
 Addam Senatum, & Curiam cum fascibus;  
*Mar*. Bene ominamur. Fata quo cadunt, sequar.  
*Tit*. Tentare oportet: iacta foelix alea est.

### Chorus Puellarum.

Quid est? stuprata luges

Nec sanguinem, manusque,  
 Linguamque sustulisset,  
 Si turpiore frontem  
 Creasse iniqua cultu  
 Natura norat. Omni  
 Dolor dolore major!  
 Genas rubente pingit  
 Auro pyropus; ardet  
 Mens intus, & dolore  
 Tabescit ægra Virgo.  
 Sed pœna data est: pater irato  
 Fervidus æstu, fregit furdo  
 Dira Latroni corpora ferro.  
 Viscera lento torrenda foco  
 Transilit ignis; flammæ medullas  
 Lambit; ahenis durus verubus  
 Musculus ardet, fibræque gemunt.  
 Titus immoto pectore constat.  
 Sero queritur post facta dolor.  
 Attræo pavidæ more subordinat  
 Matri dextra dapes; lancinat ilia,  
 In ventrem quod edax dentibus ingerit.  
 Non unquam proprio sanguine turpius  
 Quicquam Roma dedit lambere Matribus.  
 Aran, Romuleis noxa Nepotibus,  
 Flammæ supplicium præparat ultimum,  
 Pœnam, & Carnifices, lentaque funera  
 Vexatus toties mille modis Titus.

## ACTUS QUINTUS.

*Saturninus, Thamera, Titus, Marcus, Lu-*  
*cius, mutatâ veste.*

*Sat.* **A**N Lucius per Balsiani viscera  
 Exegit enses? Lucius ferro impio  
 Fratres necavit? Lucius pretium necis

Con-

Gondebat aurum? scripta consper sit suâ  
 Trux ipse dextrâ, cæde fraternâ Reos  
 Tactura Fratres? nunc cruorem Cæsaris  
 Sic ite cruentus? & petit nostri insolens  
 Diadema regni? fata nos melius regant,  
 Serventque Romam! pereat, & mortem oppetat,  
 Quicumque nostrum sequitur insidians caput.

*Tham.* Ignolce Cæsar! Lucio veniam rogat  
 Regina & Uxor. *Tit.* Ore sed tantum rogas,  
 Fictoque vultu, sanguinis sitiens mei,  
 Obicena Pellex. *Tham.* Verba quæ loquitur Pater?

*Tit.* Meditatur iras pestus, & pœnam parat.

*Luc.* Vive Imperator; vive magni Cæsaris  
 Nova nupta; vivat prosper ac sælix Titus.

*Tit.* Quid nuncii affers? Lucius quove in statu est?

*Luc.* Intemperantem hæc dextra fudit spiritum.

*Sat.* Ergo est peremptus? *Luc.* Ecce conspersum caput.  
 Hic iste vertex vertici infæstus tuo.

*Sat.* Seriem ede mortis, *Luc.* Inter amplexus jacet  
 Hoc ense stratus; iussa mandantis Titi  
 Volens sequebar, arbitros mittens procul.

*Sat.* Festos Nerone Roma quondam mortuo  
 Vidi triumphos? læta nunc eadem sonet.

*Tham.* Post interemptos dira Patri Filios  
 Parata mors est; Cæsar ipse jam labat.

*Tit.* Scelestè, magnis invidebat impotens  
 Sceptris potestas? semper audies tuæ  
 Desertor Urbis; Proditor Patriæ, & Patris.  
 Fratrum Tyranne, & Carnifex, potuit pium  
 Cognatus ensis sorbillare sanguinein?  
 Ecce hæc petebant ora vitam Cæsaris,  
 Patris cruorem. *Mar.* Tollite invisum caput:  
 Satiata pœna est. Cæsarem expectant dapes.



Adesse Natos ; nulla pars prolis tuæ  
 Tibi subtrahetur. Ora, quæ exoptas, dabo,  
 Prolesque Matrem tota complebit suam.  
 Satiaberis, ne metue. Pergat interim  
 Ornare nostras turba saltatrix dapes.

*Sat.* Delectat oculos saltus, & linguam cibus.

*Tit.* Regina fœlix, poculum infulo cape  
 Gentile Baccho, Conjugis quondam meę  
 Sollenne donum, cum sacros coleret dies.

### *Vmbrae Quironis, & Demetrii.*

*Tham.* **C**APio, quod offeris. Iusta solvam Lucio.  
 Prius at paternis vina libenter Deis ;  
 Tunc hauriantur. Sed quid hoc ? non vult manus  
 Parere ; crescit pondus, & dextram gravat.  
 Admotus ipsis Bacchus à labris fugit,  
 Circaque rictus, ore decepto, effluit.  
 En ipsa trepido mensa subfiliit solo.

*Sat.* Mea Lux, quid extimescis ? *Tham.* Ignis occidit.  
 Quid hoc ? magis magisque concussi labant.  
 Convexa Cœli, spissior densis coit  
 Caligo tenebris, noxque se in noctem abdedit.

*Tit.* Regina, quid miraris ? annuit Polus :  
 Gavisa nostro mensa gaudio salit,  
 Scelere apprehenso ò O cœlitum excelssima,  
 Gothiæ Imperatrix, luctui satis datum est.  
 Mensam voluptas, festaque ornant gaudium.

*Tham.* Quis hic tumultus viscera exagitat mea ?  
 Quid tremuit intus ? sentio impatiens onus,  
 Meumque gemitu non meo pectus gemit ;  
 Adeste Nati ; Mater infœlix vocat.

Vnde obloquuntur ? *Mar.* Sede Reginam loca ;  
 Sedeat, quiescat. Redde jam Gnatos mihi.

*Tit.* Iam, jam videbis, comite Roselinâ, tuos  
 Venire Natos. *Mar.* Flebili accedit gradu.

*Sat.* Nitore præstans Virgo, Thameræ Filios

Nondum



Nondum videmus? Quid? sine sonitu? taces?

*Tit.* Excisa lingua est, muta non profert sonum.

*Sat.* Quis sceleris Auctor? *Tit.* Iste, qui stuprum simul,  
Et vim paravit Virgini. *Sat.* Perijt pudor?

*Tit.* Cum voce utramque tristis abstulit manum  
Zonamque durus hostis. *Sat.* An monstrum potes  
Gestare tellus? quin ad infernam styga  
Os pandis? *Tit.* Indignatur, & tantam pudet  
Plutona belluam abripi ad dirum chaos.

*Sat.* Siccus nefandum Genitor adspicit scelus?

*Tit.* Dabit, ecce, pœnas: ense congrediar meo;  
Et Gnata (ne supersit infœlix) cadet,  
Cadente Patre. Morere, Roselina; interi  
Desponsa Fratri Cæsaris; Sponsus tuis  
Occurret umbris. Te Pater, patere, juvat.  
*Sat.* Quo pergis amens? *Tit.* Ratio, quicquid est, jubet:  
Hæc Balsianum sequitur; hanc ducet suam  
Subter virera & subter Elysium Procus.

*Sat.* Quis Zonam Adulter rapuit? *Tit.* Idem, qui meos  
Impune Natos vertit & totam domum.

*Sat.* An Lucius is est? *Tit.* Scelera fecit omnia  
Cum Fratre Quiro. *Sat.* Sistite huc mihi Reos.

*Tit.* Circumspice, & cognosce: non absunt procul,  
Quos quæris, hostes. *Sat.* Quo latent timidi loco?

*Tit.* Attolle vulnus. *Sat.* Tollo, sed video nihil.

*Tit.* Hic, Cæsar, hic sunt. Cernis Auctores mali?

*Sat.* Nil video, nil est. *Tit.* Filiæ hî Zonam, & decus  
Rapuere Fratres. Ecquid agnoscis Tuos?

*Tham.* Quis indicavit? lingua nec manus valent.

*Tit.* Arena baculo scripta prodidit nefas.

*Tham.* Da membra Matri. *Tit.* Quicquid è Gnatis tuis  
Supereff habebis, quodque non supereff, habes

*Tham.* An vera dicis? *Tit.* Liberi verè jacent.

Furore Tygris, parcere acceptę tamen  
Scit placida proli. Vita tu quondam tuis;  
Sed nunc sepulchrum triste, nunc bustum manes.

*Sat.* Vincite Famuli: vincula & mortem pati  
Discat cruentus. *Tit.* Inclyti bello Duces,  
Properate; ferro Cęsar inimicus cadat.

*Tham.* Hoc est, quod avida capere non potuit Parens.  
Volvuntur intus viscera, & clausum nefas  
Sine exitu luctatur, & quęrit viam.  
Da, trade ferrum, liberis viam dabo.  
Consiste nequam; guttur illidet manus,  
Aperi ense pectus. Liceat inhumatos mihi  
Sepelire Natos. Jupiter, fulmen move;  
Me pete; trifulco flammęam telo faciem  
Per pectus hoc trans mitte. Si Natos Parens  
Humare, & igni tradere extremo volo,  
Ego sum cremanda. Tartarum & Cælum voco;  
Adeste flammę. Fer, fer huc, Aran, opem.

*Aran, Thamera, Saturninus, Titus,*

*Marcus, Lucius.*

*Aran.* **C**Uſi clamor Aran? *Tham.* Optime Aran Principum,  
Rerum mearum columen, imperii decus,  
Tuere captam: crimen intentat Titus,  
Causamque cuncti, quod tulit, vocat mali  
Thameramque innocentem; Filios misera meos,  
Cognata membra, dentibus trivi insciis.  
Stat Imperator victus auxilii impotens.

*Aran.* Ego machinator fraudis, & scelerum Artifex;  
Me, me ordinante, dexteram scidit Pater.  
Roselina stupro moeret; & Fratres jacent.  
Iacetque fuso Bassianus sanguine.

*Sat.* Quę digna tanto pœna statuetur malo?  
Quis me juvabit? *Tit.* Aderit irato Titus.

*Aran.* Heu! mergor, uror. O dolor nimium ferox!  
Succurre, pereor, pereor, Tite; supplex precor.

- Tit.* Surdescit Ultor. *Aran.* Quis dabit flammæ modum ?  
*Tit.* Thamera imbre fletus. *Aran.* Solve me (veniam rogo)  
 Solve invocantem. *Tit.* Sera pœnitentia est,  
 Quam pœna vindex, & necis stimulat metus.  
*Aran.* Miserere ! solve me. *Tit.* Ira non audit preces.  
*Aran.* Miserere ; pœna tristis iram molliat.  
*Tit.* Si temperata dextra , si modicus tibi  
 Furor fuisset ; viveres. Qui terruit  
 Nos, & Quirites , premitur & patitur necem.  
*Aran.* O flamma vehemens ! O dolor ! vehemens dolor !  
 Succumbo flammis. Parce , vel vitam eripe.  
*Tit.* Prius medullas ignis , & carnes vorans  
 Depascat artus. *Aran.* Tristis Eumenidum cohors ,  
 Ades vocanti. Parte ab omni jam tona,  
 Iaculare flammis Iuppiter ; pereat tuis  
 Aran sagittis ; minuat , ah ! minuat meos  
 Fulmen dolores. Pereo ! Pereo ! Intercido !  
*Tit.* Corpus per ignem similis Encelado rotat.  
*Sat.* Jam vindicatum pectus exonerat nefas ;  
 Exultat animus. *Tit.* Temperabo gaudium,  
 Jam morere , Meretrix ; notus occurret statim  
 Venienti Adulter. *Sat.* Scelere pensandum est scelus ;  
 I, sequere Sponsam. *Luc.* Cecidit , ah ! cecidit Pater ?  
 Ferro peremptus ? præmium hoc sceleris cape.  
*Mar.* Latas habenas Orbis , atque Urbis reget  
 Meliore fato Lucius. Lætus Quiris  
 Committit imperium tibi ; & Patriæ salus  
 Sibi te Parentem poscit. Impleat forum  
 Rumore miles ; fortis Ausonias cohors  
 Circumdet undas. Lætus occisum audiat  
 Populus Tyrannum. Cæsari auspiciam novæ  
 Felix precamur. Exulabit , & gemit

THE HISTORY OF THE  
CITY OF BOSTON  
FROM THE FIRST SETTLEMENT  
TO THE PRESENT TIME  
IN TWO VOLUMES  
BY NATHANIEL BENTLEY  
OF THE BARR

FINIS